

四庫全書

史部

欽定四庫全書

資治通鑑卷一百十九

宋司馬光撰

胡三省音注

宋紀一

一起上章淝灘盡昭陽大淵獻凡四年劉氏世居彭城彭城於春秋之時宋土也故帝之

始建國號曰宋

高祖武皇帝

諱裕字德興小字寄奴姓劉氏彭城縣綏德里人漢楚元王交二十一世

孫也彭城楚都故荀家焉晉氏東遷劉氏移居晉陵丹徒之京口里

永初元年

是年六月改元

春正月己亥魏主還宮

晉有天下通鑑於魏主率

兼書名是年

宋主受禪

秦王熾磐立其子乞伏暮末為太子

熾昌

志翻

考異曰晉書作乞伏暮末宋書又作

乞佛茂夔今從崔鴻十六國春秋作暮末

仍領撫軍

大將軍都督中外諸軍事大赦改元建弘 宋王欲受

禪而難於發言乃集朝臣宴飲

此宋朝之臣也朝直遙翻

從容言曰

從千容翻

桓玄篡位鼎命已移我首唱大義興復帝室南征

北伐平定四海功成業著遂荷九錫

荷下可翻

今年將衰暮崇

極如此物忌盛滿非可久安今欲奉還爵位歸老京師

羣臣惟盛稱功德莫諭其意日晚坐散

坐祖卧翻

中書令傅

亮還外乃悟而宮門已閉亮叩扉請見

見賢通翻

王即開門

見之亮入但曰臣暫宜還都王解其意無復他言

解戶買翻

曉也復扶又翻

直云須幾人自送亮曰數十人可也即時奉辭

亮出已夜見長星竟天拊髀歎曰我常不信天文今始

驗矣

長星所以除舊布新故云然

亮至建康夏四月徵王入輔王留

子義康為都督豫司雍并四州諸軍事豫州刺史鎮壽

陽

豫州後漢治譙魏治汝南安成晉平吳治陳國江左治壽陽蕪湖却城牛渚歷陽馬頭壽春姑孰不常厥

居安帝之末帝欲開拓河南綏定豫土割揚州大江以西大雷以北悉屬豫州豫州基址因此而立帝既平關洛置司州刺史治虎牢領河南滎陽弘農實土三郡河內東京兆二僑郡雍州仍僑治襄陽秦并州刺史鎮蒲阪毛德祖既自蒲阪退屯虎牢則并州常寄治虎牢也雍於用翻

義康尚幼以相國參

軍南陽劉湛為長史決府州事

府州都督府及豫州也

湛自弱年

即有宰物之情常自比管葛

謂管仲諸葛亮也

博涉書史不為

文章不喜談議

喜許記翻

王甚重之

五月乙酉魏吏謚宣

武帝曰道武帝

魏主嗣永興二年謚父珪曰宣武帝更古衡翻

魏淮南公

司馬國璠池陽子司馬道賜謀外叛司馬文思告之庾

成魏主殺國璠道賜賜文思爵鬱林公

國璠等降魏見上恭晉安帝義

熙十三年璠字表翻

國璠等連引平城豪桀坐族誅者數十人章

安侯封懿之子玄之當坐魏主以玄之燕朝舊族

慕容廆興

於昌黎封氏依之遂世仕於燕貴顯

欲宥其一子玄之曰弟子磨奴早孤

乞全其命乃殺玄之四子而宥磨奴六月壬戌王至

建康傅亮諷晉恭帝禪位於宋具詔草呈帝使書之帝

欣然操筆謂左右曰桓玄之時晉氏已無天下重為劉

公所延將二十載

晉安帝元興三年裕討桓玄至是凡十七年操字高翻重直龍翻載子玄

翻

今日之事本所甘心遂書赤紙為詔甲子帝遜於琅

邪第百官拜辭秘書監徐廣流涕哀慟

晉武帝泰始元年受禪歲在乙

百建興四年長安陷歲在丙子凡五十二年次年元帝建號於江東改元建武至是年歲在庚申凡一百單三

年西東享國共一百五十七年而亡

丁卯王為壇於南郊即皇帝位禮畢

自石頭備法駕入建康宮徐廣又悲感流涕侍中謝晦

謂之曰徐公得無小過廣曰君為宋朝佐命

朝直廷翻

身是

晉室遺老悲歡之事固不可同廣邈之弟也

徐邈為晉孝武所親

重帝臨太極殿大赦改元其犯鄉論清議一皆蕩滌與

之更始

犯鄉論清議蓋得罪於名教者更工衡翻

裴子野論曰昔重華受終四凶流放

書堯使舜嗣位正月上日受終

於文祖流共工于幽州放驩兜于崇山竄三苗于三危殛鯀于羽山四罪而天下咸服重直龍翻

武

王克殷頑民遷洛

武王克殷遷頑民于洛邑

天下之惡一也鄉論

清議除之過矣

奉晉恭帝為零陵王優崇之禮皆倣晉初故事即宮于

故秣陵縣

沈約曰秣陵縣本治去京邑六十里今政治村是也晉安帝義熙九年移治京邑在闕場

恭帝元熙元年省楊州禁防參軍縣移治其處

使冠軍將軍劉遵考將兵防衛

冠古亮翻
將即亮翻

降褚后為王妃追尊皇考為孝穆皇帝皇妣

趙氏為孝穆皇后尊王太后蕭氏為皇太后

帝父趙氏生帝

而祖繼室
以蕭氏

上事蕭太后素謹及即位春秋已高每旦入

朝太后

朝直達翻

未嘗失時刻詔晉氏封爵當隨運改獨置

始興廬陵始安長沙康樂五公降爵為縣公及縣侯

始興

廬陵始安長沙皆郡公獨康樂縣公耳據南史降始興
郡公為華容縣公廬陵公為柴桑縣公始安公為荔浦

縣侯長沙公為醴
陵縣侯樂音洛

以奉王導謝安溫嶠陶侃謝玄之祀

其宣力義熙豫同艱難者一仍本秩庚午以司空道憐

為太尉封長沙王追封司徒道規為臨川王以道憐子

義慶襲其爵其餘功臣徐羨之等增位進爵各有差追

封劉穆之為南康郡公王鎮惡為龍陽縣侯上每歎念

穆之曰穆之不死當助我治天下

治直之翻

可謂人之云亡

邦國殄瘁

詩瞻仰之辭
瘁秦醉翻

又曰穆之死人輕易我

易以鼓翻

立

皇子桂陽公義真為廬陵王彭城公義隆為宜都王義

康為彭城王已卯改泰始歷為永初歷

以元改歷

魏主如

翳犢山遂至馮瀘池

據北史翳犢山在平城之西五原之東馮瀘池即五原鹽池唐屬鹽

州界滴
龍五翻

聞上受禪驛召崔浩告之曰卿往年之言驗矣

浩言見上卷晉安
帝義熙十四年

朕於今日始信天道 秋七月丁酉

魏主如五原 甲辰詔以涼公歆為都督高昌等七郡

諸軍事征西大將軍酒泉公秦王熾磐為安西大將軍

熾昌
志翻

交州刺史杜慧度擊林邑大破之

林邑屢為寇
故慧度擊之

所殺過半林邑乞降前後為所鈔掠者皆遣還

降戶江
翻鈔楚

交翻 慧度在交州為政纖密一如治家

治直
之翻

吏民畏而愛

之城門夜開道不拾遺 己未魏主如雲中 河西王

蒙遜欲伐涼先引兵攻秦浩亶

浩亶音告門

既至潛師還屯

川巖涼公歆欲乘虛襲張掖宋繇張體順切諫不聽太

后尹氏謂歆曰汝新造之國地狹民希自守猶懼不足

何暇伐人先王臨終

李嵩卒見上卷晉安帝義熙十三年

殷勤戒汝深慎

用兵保境寧民以俟天時言猶在耳奈何棄之蒙遜善

用兵非汝之敵數年以來常有兼并之志汝國雖小足

為善政修德養民靜以待之彼若昏暴民將歸汝若其

休明

休美也

汝將事之豈得輕為舉動僥冀非望以吾觀

之非但喪師

喪息浪翻

殆將亡國亦不聽宋繇歎曰今茲大

事去矣歆將步騎三萬東出

將即亮翻騎奇寄翻

蒙遜聞之曰歆

已入吾術中然聞吾旋師必不敢前乃露布西境云已

克浩亶將進攻黃谷

此露布非必建之漆竿如魏晉告捷之制但露檄布言其事耳

歆

聞之喜進入都瀆澗蒙遜引兵擊之戰於懷城歆大敗

或勸歆還保酒泉歆曰吾違老母之言以取敗不殺此

胡何面目復見我母

復扶又翻

遂勒兵戰於蓼泉為蒙遜所

殺歆弟酒泉太守翻新城太守預領羽林右監密左將

軍眺右將軍亮西奔敦煌蒙遜入酒泉

安帝隆安四年李嵩據敦煌凡

二主二十一年而滅敦煌徒門翻

禁侵掠士民安堵以宋繇為吏部郎中

委之選舉涼之舊臣有才望者咸禮而用之以其子牧

犍為酒泉太守

犍居言翻守式又翻

敦煌太守李恂翻之弟也與

翻等棄敦煌奔北山蒙遜以索嗣之子元緒行敦煌太

守

索嗣死事見一百十二卷晉安帝隆安四年索昔各翻

蒙遜還姑臧見涼太后

尹氏而勞之尹氏曰李氏為胡所滅知復何言

蒙遜張掖盧水

胡也勞力到翻復扶又翻下可復同

或謂尹氏曰今母子之命在人掌握

奈何傲之且國亡子死曾無憂色何也尹氏曰存亡死
生皆有天命奈何更如凡人為兒女子之悲乎吾老婦
人國亡家破豈可復惜餘生為人臣妾乎惟速死為幸
耳蒙遜嘉而赦之娶其女為牧犍婦八月辛未追謚
妃臧氏為敬皇后癸酉立王太子義符為皇太子閏

月壬午詔晉帝諸陵悉署守衛九月秦振武將軍王

基等襲河西王蒙遜胡園戍俘二千餘人而還

還徒宜
翻又如

字

李恂在敦煌有惠政索元緒麤險好殺大失人和

好呼到翻郡人宋承張弘密信招恂冬恂帥數十騎入敦煌

元緒東奔涼興

涼興郡在唐瓜州常樂縣界帥讀曰率

承等推恂為冠軍

將軍涼州刺史

冠古玩翻

改元永建河西王蒙遜遣世子政

德攻敦煌恂閉城不戰

十二月丁亥杏城羌酋狄溫

子帥三千餘家降魏

背夏降魏也酋慈由翻帥讀曰率降戶江翻

是歲魏

姚夫人卒追謚昭哀皇后

姚夫人歸魏見一百十七卷晉安帝義熙十一年

二年春正月辛酉上祀南郊大赦

裴子野論曰夫郊祀天地修歲事也赦彼有罪夫何

為哉

以揚州刺史廬陵王義真為司徒尚書僕射徐羨之為
尚書令揚州刺史中書令傅亮為尚書僕射 辛未魏
主嗣行如公陽 河西王蒙遜帥衆二萬攻李恂于敦
煌 秦王熾磐遣征北將軍木弈干輔國將軍元基攻
上邽遇霖雨而還 三月甲子魏陽平王熙卒 魏主
發代都六千人築苑東包白登周三十餘里 河西王
蒙遜築隄壅水以灌敦煌李恂乞降不許恂將宋承等

舉城降恂自殺蒙遜屠其城獲恂弟子寶囚于姑臧氏

滅笑李寶卒由此開有唐之基天之所啓誰能廢之於是西域諸國皆詣蒙遜稱

臣朝貢

朝直遙翻

夏四月己卯朔詔所在淫祠自蔣子文

以下皆除之其先賢及以勲德立祠者不在此例吐

谷渾王阿柴遣使降秦

使疏更翻降戶江翻

秦王熾磐以阿柴為

征西大將軍開府儀同三司安州牧白蘭王

秦蓋以吐谷渾之地

為安州

六月乙酉魏主北巡至蟠羊山

蟠羊山在參合陵東

秋七

月西巡至河河西王蒙遜遣右衛將軍沮渠鄯善建

節將軍沮渠苟生帥衆七千伐秦秦王熾磐遣征北將

軍木奕干等帥步騎五千拒之敗鄯善等于五澗

五澗在洪

池嶺北水經註云五澗水出姑臧城東而西北流注馬城河敗補邁翻

虜苟生斬首二千

而還

初帝以毒酒一甕

甕於耕翻瓦器也

授前琅邪郎中令

張偉使酖零陵王偉歎曰酖君以求生不如死乃於道

自飲而卒

卒子恤翻

偉邵之兄也

初帝領揚州牧辟邵為僚屬

太常褚秀

之侍中褚淡之皆王之妃兄也王每生男帝輒令秀之

兄弟方便殺之

方便者隨宜處分不令其事彰露也

王自遜位深慮禍及

與褚妃共處一室

處昌
呂翻

自煮食於牀前飲食所資皆出

褚妃故宋人莫得伺其隙

伺相
吏翻

九月帝令淡之與兄右

衛將軍叔度往視妃妃出就別室相見兵人踰垣而入

進藥於王王不肯飲曰佛教自殺者不復得人身兵人

以被掩殺之

復扶又翻
陵王薨晉本紀九月丁丑據長歷九月丙

考異曰宋本紀九月己丑零

午朔無己丑丁
丑今不書日

帝帥百官臨於朝堂三日

自是之後禪
讓之君罕得

全矣帥讀曰率臨
力鵠翻朝直遙翻

庚戌魏主還宮冬十月己亥詔

以河西王蒙遜為鎮軍大將軍開府儀同三司涼州刺

史已亥魏主如代十一月辛亥葬晉恭帝於沖平

陵帝帥百官瞻送十二月丙申魏主西巡至雲中

秦王熾磐遣征西將軍孔子等帥騎二萬擊契汗禿真

於羅川

契敗訖翻汗音寒

河西王蒙遜所署晉昌太守唐契

據郡叛蒙遜遣世子政德討之契瑤之子也

唐瑤見一百一十一卷

晉安帝隆安四年

上之為宋公也謝瞻為宋臺中書侍郎其

弟晦為右衛將軍時晦權遇已重自彭城還都迎家

上為

宋公時建宋臺於彭城

賓客輻湊門巷填咽瞻在家驚駭謂晦曰

汝名位未多而人歸趣乃爾

趣七喻翻

吾家素以恬退為業

不願干豫時事交遊不過親朋而汝遂勢傾朝野

朝直達翻

此豈門戶之福邪乃以籬隔門庭曰吾不忍見此及還

彭城言於宋公曰臣本素士父祖位不過二千石

瞻晦晉太

常謝裒之玄孫於謝安為從孫是其高曾與謝安同其所自出但名位不及耳

弟年始三十志

用凡近榮冠臺府

冠古玩翻

位任顯密福過災生其應無遠

特乞降黜以保衰門前後屢陳之晦或以朝廷密事語

瞻

語牛倨翻

瞻故向親舊陳說用為戲笑以絕其言及上即

位晦以佐命功位任益重瞻愈憂懼是歲瞻為豫章太守遇病不療臨終遺晦書曰吾得啓體幸全亦何所恨

遺于季翻曾子有疾名門弟子曰啓予足啓予手詩云戰戰兢兢如臨深淵如履薄冰而今而後吾知免夫小子

孔子曰身體髮膚受之父母不敢毀傷父母全而生之子全而歸之弟思自勉勵為國

為家

居寵思危謝瞻有馬為謝晦殺身亡家張本為于偽翻

三年春正月甲辰朔魏主自雲中西巡至屋竇城

據北史屋

竇城在薛林山東

癸丑以徐羨之為司空錄尚書事刺史如

故江州刺史王弘為衛將軍開府儀同三司中領軍謝晦

為領軍將軍兼散騎常侍入直殿省總統宿衛

散騎奇

寄徐羨之起自布衣

徐羨之為桓修撫軍中兵參軍與帝同府深相親結及起義兵益見

親

又無術學直以志力局度一旦居廊廟朝野推服咸

謂有宰臣之望沈密寡言不以憂喜見色

朝直遙翻沈持林翻見賢

遍頗工奕棊觀戲常若未解

解戶買翻曉也

當世倍以此推之

傅亮蔡廓常言徐公曉萬事安異同常與傅亮謝晦宴

聚亮晦才學辯博羨之風度詳整時然後言鄭鮮之歎

曰觀徐傅言論不復以學問為長

復扶又翻

秦征西將軍

孔子等大破契汗禿真

契欺訖翻汗音寒禿吐谷翻

獲男女二萬口

牛羊五十餘萬頭禿真帥騎數千西走其別部樹奚帥

戶五千降秦

帥讀曰率降戶江翻

二月丁丑詔分豫州淮以東

為南豫州治歷陽以彭城王義康為刺史

義熙之初帝欲開拓河南

綏定豫土至九年割揚州大江以西大雷以北悉屬豫州至是以淮西之地為北豫州治汝南沈約志南豫州

領歷陽南譙廬江南汝陰南梁晉熙弋陽安豐南汝南新蔡東即南潁潁川西汝陰汝陽陳留南陳左郡邊城

左郡光城左郡十九郡案徐志及永初郡國志止領十三郡蓋沈志有景平以後續置郡在其間也

又分

荊州十郡置湘州治臨湘

晉安帝義熙十三年省湘州今復置臨湘漢舊縣唐為潭

州長沙縣

以左衛將軍張邵為刺史丙戌魏主還宮三月

上不豫大尉長沙王道憐司空徐羨之尚書僕射傅亮

領軍將軍謝晦護軍將軍檀道濟並入侍醫藥羣臣請

祈禱神祇上不許唯使侍中謝方明以疾告宗廟而已

上性不信奇怪微時多符瑞及貴史官審以所聞上拒

而不答檀道濟出為鎮北將軍南兖州刺史鎮廣陵悉

監淮南諸軍

晉成帝立南兖州治京口自此治廣陵領廣陵海陵山陽盱眙秦川南沛等郡監工

衛

皇太子多狎羣小謝晦言於上曰陛下春秋既高宜

思存萬世神器至重不可使負荷非才

晦發此言已有廢昏立明之意

荷下可翻又如字

上曰廬陵何如晦曰臣請觀焉出造廬陵王

義真

造七到翻

義真盛欲與談晦不甚答還曰德輕於才非

人主也丁未出義真為都督南豫豫雍司秦并六州諸

軍事車騎將軍開府儀同三司南豫州刺史

為晦等殺義真張本

雍於用翻騎奇寄翻

是後太州率加都督多者或至五十州不可

復詳載矣

迄宋之季境內惟二十二州至梁武帝時沿邊分置諸州始有五十州復扶又翻

帝疾瘳

瘳丑留翻

已未大赦

秦雍流民南入梁州庾申遣

使送絹萬匹且漕荆雍之穀以賑之

秦雍之雍古雍州也關中之地荆雍

之雍晉末所置南雍州也治襄陽使疏吏翻賑之恩翻

刁逵之誅也

事見一百十三卷晉

安帝元興三年

其子彌亡命辛酉彌帥數十人入京口

帥讀曰率太

尉留府司馬陸仲元擊斬之

時長沙王道憐以太尉鎮京口入侍醫藥故有留府

乙丑魏河南王曜卒

夏四月甲戌魏立皇子燾為

太平王拜相國加大將軍丕為樂平王彌為安定王範

為樂安王健為永昌王崇為建寧王俊為新興王 乙

亥詔封仇池公楊盛為武都王 秦王熾磐以折衝將

軍乞伏是辰為西胡校尉築列渾城於汁羅以鎮之

汁羅

蓋即羅川之地

五月帝疾甚召太子誠之曰檀道濟雖有幹

畧而無遠志非如兄韶有難御之氣也徐羨之傅亮當

無異圖謝晦數從征伐頗識機變若有同異必此人也

帝固有疑晦之心矣數所誦翻

又為手詔曰後世若有幼主朝事一委

宰相母后不煩臨朝

朝直達翻

司空徐羨之中書令傅亮領

軍將軍謝晦鎮北將軍檀道濟同被顧命癸亥帝殂於

西殿

年六十自是以後南北朝之君沒皆稱殂被皮義翻顧音古

帝清簡寡欲嚴整

有法度被服居處儉於布素遊宴甚稀嬪御至少

處昌
呂翻

少詩
治翻

嘗得後秦高祖從女

後秦王興廟號
高祖從才用翻

有盛寵頗以

廢事謝晦微諫即時遣出財帛皆在外府內無私藏

藏
徂

浪嶺南嘗獻入筒細布一端八丈帝惡其精麗勞人

揚
雄

蜀都賦曰布則蜘蛛作絲不可見風
中黃潤一端數金言其細也惡烏路翻

即付有司彈太守

彈徒
丹翻

以布還之并制嶺南禁作此布公主出適遣送不

過二十萬無錦繡之物內外奉禁莫敢為侈靡太子即

皇帝位年十七大赦尊皇太后曰太皇太后立妃司馬

氏為皇后晉恭帝女海鹽公主也 魏主服寒食散

頻年樂發災異屢見

見賢通翻

頗以自憂遣中使密問白馬

公崔浩曰

使疏吏翻

屬者日食趙代之分

屬者猶言比者近者屬之欲翻分扶

問

朕疾彌年不愈恐一旦不諱諸子竝少

少詩照翻

將若之

何其為我思身後之計

為于偽翻

浩曰陛下春秋富盛行就

平愈必不得已請陳瞽言自聖代龍興不崇儲貳是以

永興之始社稷幾危

事見一百十五卷晉安帝義熙五年幾居希翻又音祁

今宜

早建東宮選賢公卿以為師傅左右信臣以為賓友入

總萬幾出撫戎政如此則陛下可以優游無為頤神養

壽萬歲之後國有成主民有所歸姦宄息望禍無自生

矣皇子壽年將周星

歲星十二年一周天

明獻溫和立子以長禮

之大經若必待成人然後擇之倒錯天倫則召亂之道

也

倒錯謂廢長立少長知兩翻下同

魏主復以問南平公長孫嵩

復扶又翻

對曰立長則順置賢則人服壽長且賢天所命也帝從

之立太平王燾為皇太子使之居正殿臨朝為國副主

朝直遙翻

以長孫嵩及山陽公奚斤

魏收官氏志後魏獻帝弟為達奚氏孝文

改為北新公安同為左輔坐東廂西面崔浩與太尉穆

觀散騎常侍代人丘堆為右弼

後魏孝文以獻帝第五兄敦丘氏為丘氏

坐

西廂東面百官總已以聽焉

坐東廂者西面坐西廂者東面皆朝拱皇太子

帝

避居西宮時隱而窺之

自隱蔽其身而窺之也

聽其決斷

斷丁亂翻

大

悅謂侍臣曰嵩宿德舊臣歷事四世功存社稷

嵩事昭成帝及

道武帝明元帝及太子燾為四世

斤辯捷智謀名聞遐邇

問音

同曉解

俗情明練於事觀達於政要識吾旨趣浩博聞彊識精

察天人堆雖無大用然在公專謹以此六人輔相太子

吾與汝曹巡行四境伐叛柔服足以得志於天下矣

胡解

賈翻行下孟翻

嵩實姓拔拔斤姓達奚觀姓丘穆陵

堆姓丘敦是時魏之羣臣出于代北者姓多重複及高

祖遷洛始皆改之舊史惡其煩雜難知故皆從後姓以就簡易今從之

魏主又以典東西

部劉黎門下奏事代人古弼

重直龍翻惡烏路翻易以鼓翻道武天賜四年置侍

官侍直左右出納詔命魏書官

直郎徒河盧魯元

拓跋與慕

氏志內入諸姓吐奚氏為古氏

容段氏同出鮮卑其後強盛謂東種為徒河官氏志內入諸姓吐復伏盧氏為盧氏

忠謹公勤使

之給侍東宮分典機要宣納辭令太子聰明有大度羣

臣時奏所疑帝曰此非我所知當決之汝曹國主也

六月壬申以尚書僕射傅亮為中書監尚書令以領軍

將軍謝晦領中書令侍中謝方明為丹陽尹方明善治

郡

治直之翻

所至有能名承代前人不異其政必宜改者則

以漸移變使無迹可尋 戊子長沙景王道憐卒 魏

建義將軍刁雍寇青州州兵擊破之雍收散卒走保大

鄉山

魏收地形志濟陰郡乘氏縣有大鄉城雍於容翻

秋七月己酉葬武皇

帝於初寧陵

陵在丹陽建康縣蔣山

廟號高祖

河西王蒙遜遣

前將軍沮渠成都帥衆一萬耀兵嶺南遂屯五澗

蓋耀兵于

洪池嶺南而還屯五洲也
沮子余翻帥讀曰率下同

九月秦王熾磐遣征北將軍

出連虔等帥騎六千擊之

初魏主聞高祖克長安

見上

卷晉安帝義熙十三年

大懼遣使請和自是每歲交聘不絕及高

祖殂殿中將軍沈範等奉使在魏

晉置二衛仍置殿中將軍使疏吏翻下同

還及河魏主遣人追執之議發兵取洛陽虎牢滑臺崔

浩諫曰陛下不以劉裕款起納其使貢

款許勿翻

裕亦敬事

陛下不幸今死遽乘喪伐之雖得之不足為美且國家

今日亦未能一舉取江南也而徒有伐喪之名

禮不伐喪

竊

為陛下不取

為于偽翻

臣謂宜遣人弔祭存其孤弱恤其凶

災使義聲布於天下則江南不攻自服矣况裕新死黨

與未離兵臨其境必相帥拒戰

帥讀曰率

功不可必不如緩

之待其彊臣爭權變難必起

難乃旦翻

然後命將出師可以

兵不疲勞坐收淮北也

將即亮翻

魏主曰劉裕乘姚興之死

而滅之

事見一百十七卷晉安帝義熙十二年及上卷義熙十三年

今我乘裕喪而

伐之何為不可浩曰不然姚興死諸子交爭故裕乘豐

伐之今江南無豐不可比也

豐與蒙同許覲翻

魏主不從假司

空奚斤節加晉兵大將軍行揚州刺史使督宋兵將軍

交州刺史周幾

後魏孝文以獻帝次兄普氏之後為周氏

吳兵將軍廣州刺

史公孫表同入寇

晉兵宋兵吳兵鄭兵楚兵等將軍皆魏所置

乙巳魏主

如湮南宮遂如廣寧

晉愍帝建興元年猗廬築新平城於湮北其後築宮於湮南酈道元

曰廣寧去平城五十里廣寧縣漢屬上谷郡晉太康中立為郡湮力水翻

辛亥魏人築平

城外郭周圍三十二里

魏主如喬山

五代志喬山在涿郡懷戎縣劉

昉曰唐妫州懷戎縣後漢上谷之涪縣也

遂東如幽州冬十月甲戌還宮

魏軍將發公卿集議於監國之前

監工衛翻

以先攻城與先

略地奚斤欲先攻城崔浩曰南人長於守城昔苻氏攻

襄陽經年不拔

事見一百四卷晉孝武太元三年四年

今以大兵坐攻小

城若不時克挫傷軍勢敵得徐嚴而來我急彼銳此危

道也不如分軍略地至淮為限列置守宰收歛租穀則

洛陽滑臺虎牢更在軍北絕望南救必汭河東走不則

為囿中之物

不讀曰否

何憂其不獲也公孫表固請攻城魏

主從之於是奚斤等帥步騎二萬

帥讀曰率騎奇寄翻

濟河營於

滑臺之東時司州刺史毛德祖戍虎牢東郡太守王景

度告急於德祖

王景度以東郡太守戍滑臺

德祖遣司馬翟廣等將

步騎三千救之

翟長伯翻將即京翻下同

先是司馬楚之聚衆在陳

留之境聞魏兵濟河遣使迎降魏

先悉薦翻使疏吏翻降戶江翻

以楚

之為征南將軍荊州刺史使侵擾北境

北謂宋之北境

德祖遣

長社令王法政將五百人戍邵陵

邵陵縣漢屬汝南郡晉以後屬潁川郡杜

佑曰蔡州鄆陵縣有古召陵城

將軍劉憐將二百騎戍雍丘以備之楚

之引兵襲憐不克會臺送軍資憐出迎之酸棗民王玉

馳以告魏

酸棗縣自漢以來屬陳留郡唐屬滑州

丁酉魏尚書滑稽引兵

襲倉垣

康曰滑戶八切姓也本滑伯國姬姓其後因國為氏漢有唐事滑興

兵吏悉踰城

走陳留太守馮翊嚴稜詣斤降魏以王王為陳留太守

給兵守倉垣

魏收地形志陳留郡治浚儀縣有倉垣城

奚斤等攻滑臺不拔

求益兵魏主怒切責之壬辰自將諸國兵五萬餘人南

出天關踰恒嶺

此即晉孝武太元二十一年燕主垂襲魏平城之路魏主珽既平中山自望都

鐵關鑿恒嶺至代五百餘里將即亮翻下同

為斤等聲援秦出連虜與河

西沮渠成都戰禽之

沮渠成都時屯五調

十一月魏太子燾將

兵出屯塞上

魏主南援攻河南之兵故太子屯塞上以備景然

使安定王彌與

安同居守

又守式翻

庚戌奚斤等急攻滑臺拔之王景度出

走景度司馬陽瓚為魏所執不降而死

瓚藏早翻降戶江翻

魏主

以成皋侯苟兒為兗州刺史鎮滑臺

魏書官氏志內入諸姓若干氏為苟

氏斤等進擊翟廣等於土樓破之

土樓在虎牢東九域志澶州臨河縣有土

樓

乘勝進逼虎牢毛德祖與戰屢破之魏主別遣黑稍

將軍于栗磾將三千人屯河陽謀取金墉

稍色角翻磾于奚翻

德

祖遣鎮威將軍竇晃等緣河拒之十二月丙戌魏主至

冀州遣楚兵將軍徐州刺史叔孫建將兵自平原濟河

徇青兗豫州刺史劉粹遣治中高道瑾將步騎五百據

項城

宋豫州領汝南新蔡譙梁陳南頓潁川汝陽汝陰陳留等郡

徐州刺史王仲德

將兵屯湖陸

徐州領彭城沛下邳蘭陵東海東莞琅邪淮陽陽平濟陰北濟陰鍾離馬頭等

郡于栗磾濟河與奚斤并力攻竇晃等破之魏主遣中

領軍代人娥清期思侯柔然閭大肥將兵七千人會周

幾叔孫建南渡河軍於碣磔

碣磔城臨河津後魏為濟州治所水經注曰城即故

荏平縣也癸未兗州刺史徐琰棄尹卯南走

水經濟水自須昌縣西北逕漁

山東又北過穀城縣西註云濟水側岸有尹卯壘南去漁山四十餘里是穀城縣界故春秋之小穀城也於

是泰山高平金鄉等郡皆沒於魏

金鄉縣漢屬山陽晉屬高平蓋晉末分置

也郡叔孫建等東入青州司馬愛之季之先聚衆於濟東

皆降於魏

濟水之東則青州界濟子禮翻

戊子魏兵逼虎牢青州刺史

東莞竺夔鎮東陽城

青州自曹窺以來治廣固武帝克慕容超夷其城青州遷治東陽城

在廣縣西南宋白曰今青州治益都縣州東城即東陽

城晉武帝太原初分琅邪立東莞郡青州領齊濟南高

密樂安平昌北海東萊

遣使告急

使疏吏翻

己丑詔南兖州

太原長廣等郡莞音官

刺史檀道濟監征討諸軍事

監工街翻

與王仲德共救之廬

陵王義真遣龍驤將軍沈叔狸將三千人就劉粹量宜

赴援

義真時鎮壽陽劉粹時鎮懸瓠驤思將翻量音良

秦王熾磐徵秦州牧

曇達為左丞相征東大將軍

曇徒舍翻

營陽王

諱義符小字車兵武帝長子也考異曰宋本紀高氏小史皆作榮陽臧后謝晦蔡

廓傳作營陽營陽南

方郡名也今徙之

景平元年春正月己亥朔大赦改元

辛丑帝祀南郊

魏于栗磾攻金墉癸卯河西太守王涓之棄城走魏

主以栗磾為豫州刺史鎮洛陽

磾丁奚翻

魏主南巡恒獄

恒戶登翻

丙辰至鄴

去年十二月己書魏主至冀州今又書南巡恒獄必有一誤也

己未

詔徵豫章太守蔡廓為吏部尚書

自晉以來謂吏部尚書為大尚書以其在

諸曹之右且其權任要重也

廓謂傅亮曰選事若悉以見付不論

者不復置議論于辭受之際也

不然不能拜也亮以語錄事尚書徐羨

之

語牛倨翻錄事尚書當作錄尚書事

羨之曰黃散以下悉以委蔡吾徒

不復措懷

黃散謂黃門侍郎及散騎常侍侍郎也復扶又翻

自此以上故宜共

參同異廓曰我不能為徐干木署紙尾

為于偽翻

遂不拜干

木羨之小字也選案黃紙錄尚書與吏部尚書連名

選案

選曹文案也洪邁曰葉石林言制敕用黃紙始高宗時非也晉恭帝時王韶之遷黃門侍郎凡諸詔黃皆其辭

也則東晉時已用黃紙寫詔矣又宋明帝時吏部尚書褚淵就繕折行選是役也皆先戰授位版檄不供由是有黃紙札則宋世就軍補官賞功又多用黃紙矣又徐義之名蔡廓為吏部尚書廓曰我不能為條干木署紙尾則是宋世以黃紙為案矣至齊世立左右丞書案之制曰白案則右丞書名在上左丞次書黃案則左丞上書右丞下書雖世遠莫知何者之為黃案何者之為白案所可知者其紙已分黃白二色決矣至東晉時閩人以紙包裹魚肉還家並是五省黃案然則文書之用黃紙其來已久高宗時凡謄寫詔制以下州縣始皆用黃紙耳槩言詔書用黃紙始於高宗不審也選項緡翻故廓云然

沈約論曰蔡廓固辭銓衡恥為志屈豈不知選錄同

體義無偏斷乎

吏部典選錄尚書兼錄諸曹尚書事斷丁亂翻

良以主閭時

難不欲居通塞之任

銓衡之任得其人則賢路通不得其人則賢路塞塞悉則翻

遠矣哉

庚申檀道濟軍於彭城魏叔孫建入臨淄所向城邑皆

潰

考異曰索虜傳云虜又遣楚兵將軍徐州刺史安平公涉歸幡能健越兵將軍青州刺史臨淄侯薛道

千陳兵將軍淮州刺史壽張子張模所向城邑皆奔走本紀亦云安平公涉歸寇青州按後魏書無涉歸等姓名蓋皆胡中舊名即叔孫建等也

竺夔聚民保東陽城其不入城者使

各依據山險芟夷禾稼

芟所衛翻

魏軍至無所得食濟南太

守垣苗帥衆依夔

垣苗棄厓城依夔濟子禮翻帥讀曰率下同

刁雍見魏主

於鄴魏主曰叔孫建等入青州民皆藏避攻城不下彼

素服卿威信

雍先聚兵河濟之間雍于容翻

今遣卿助之乃以雍為青

州刺史給雍騎使行募兵以取青州魏兵濟河向青州

者凡六萬騎

騎寄翻

乃雍募兵得五千人撫慰土民皆送

租供軍

柔然寇魏邊

二月戊辰魏築長城自赤城西

至五原延袤二千餘里

袤音茂

備置戍卒以備柔然 丁

丑太皇太后蕭氏殂

河西王蒙遜及吐谷渾王阿柴

皆遣使入貢

使疏吏翻

庚辰詔以蒙遜為都督涼秦河沙四

州諸軍事驃騎太將軍涼州牧河西王以阿柴為督塞

表諸軍事安西將軍沙州刺史澆河公

吐谷渾據塞外沙湫之地故令

督塞表諸軍事澆堅亮翻

三月壬子葬孝懿皇后于興寧陵

興寧陵在

晉陵丹徒縣諫壁里雪山

魏奚斤公孫表等共攻虎牢魏主自鄴

遣兵助之毛德祖於城內穴地入七丈分為六道出魏

圍外募敢死之士四百人使參軍范道基等帥之從穴

中出掩襲其後魏軍驚擾斬首數百級焚其攻具而還

還徙宣翻又如字

魏兵雖退散隨復更合

復扶又翻下復嬰未復復作復戰同

攻

之益急奚斤自虎牢將步騎三千攻潁川太守李元德等於許昌元德等敗走魏以潁川人庾龍為潁川太守成許昌毛德祖出兵與公孫表大戰徙朝至晡殺魏兵數百會奚斤自許昌還合擊德祖大破之亡甲士千餘人復嬰城自守魏主又遣萬餘人徙白沙渡河屯濮陽南濮陽對岸則頓丘之境朝議以項城去魏不遠朝直遙非輕軍所抗使劉粹召高道瑾還壽陽若沈叔狸已進亦宜且追粹奏虜攻虎牢未復南向若遽攝軍捨項城

白沙當在今澶州之界

朝議以項城去魏不遠

朝直遙

則淮西諸郡無所憑依沈叔狸已頓肥口

肥口肥水入淮之口又

不宜遽退時李元德帥散卒二百至項劉粹使助高道

瑾戍守請宥其奔敗之罪朝議並許之乙巳魏主畋于

韓陵山

魏郡鄴縣有韓陵山

遂如汲郡至枋頭初毛德祖在北

毛德

祖本滎陽人武帝未取關洛德祖自北來歸

與公孫表有舊表有權略德祖患

之乃與交通音問密遣人說奚斤云表與之連謀每答

表書多所治定

此曹操間韓馬之智也說翰芮翻治直之翻

表以書示斤斤

疑之以告魏主先是表與太史令王亮少同營署好輕

侮亮亮奏表置軍虎牢東不得便地故令賊不時滅魏主素好術數以為然積前後忿使人夜就帳中縊殺之

先悉薦翻少詩照翻好呼列翻

乙卯魏主濟自靈昌津

靈昌津古延津也石勒襲劉曜

塗出於此以河水為神靈之助改曰靈昌津

遂如東郡陳留叔孫建將三萬

騎逼東陽城城中文武纔一千五百人竺夔垣苗悉力

固守時出奇兵擊魏破之魏步騎繞城列陳十餘里大

治攻具夔作四重塹魏人填其三重為撞車以攻城

陳讀

曰陣重直龍翻治直之翻撞與撞同傳江翻撞也

夔遣人從地道中出以大麻絙

挽之令折

經居曾翻大索也又居鄧翻折而設翻

魏人復作長圍進攻逾

急歷時浸久城轉墮壞

墮讀曰墮下墮其同

戰士多死傷餘衆困

乏旦暮且陷檀道濟至彭城以司青二州並急而所領

兵少

少詩治翻

不足分赴青州道近竺夔兵弱乃與王仲德

兼行先救之甲子劉粹遣李元德襲許昌斬庾龍元德

因留綏撫并上租糧

上時掌翻

魏主至盟津于栗磧造浮橋

於冶阪津

郭緣生述征記曰踐土今治阪城是水經註河陽縣故城在冶阪西北魏土地記云冶阪

城舊名漢祖渡城險固南臨孟津在洛陽西北四十二里盟讀曰孟

乙丑魏主引兵北濟

西如河內娥清周幾間大肥徇地至湖陸高平民屯聚

而射之

射而亦翻

清等盡攻破高平諸縣滅數千家虜掠萬

餘口兗州刺史鄭順之戍湖陸以兵少不敢出魏主又

遣并州刺史伊樓拔助奚斤攻虎牢

伊婁虜複姓樓與婁同

毛德

祖隨方抗拒頗殺魏兵而將士稍零落夏四月丁卯魏

主如成臯絕虎牢汲河之路

北史虎牢乏水城內懸綆汲河魏主令連艦上施轆

輻絕其汲路

停三日自督衆攻城竟不能下遂如洛陽觀石

經

石經後漢蔡邕所書者注詳見五十七卷漢靈帝熹平四年

遣使祀嵩高

使疏吏翻

叔

孫建攻東陽墮其北城三十許步

墮讀曰墮

乃雍請速入建

不許遂不克及聞檀道濟等將至雍又謂建曰賊畏官

軍突騎以鎖連車為函陳

函陳方陳也陳讀曰陣

大峴已南處處

狹隘車不得方軌雍請將所募兵五千據險以邀之破

之必矣

將即亮翻

時天暑魏軍多疫建曰兵人疫病過半若

相持不休兵自死盡何須復戰今全軍而返計之上也

已已道濟軍于臨朐

胸音幼乙已按長

歷是月丁卯朔無乙已

必已

日也壬申建等燒營及器械而遁道濟至東陽糧盡不

能追空襲以東陽城壞不可守移鎮不其城

不其縣前漢屬琅邪

即後漢屬東萊郡晉屬長廣郡如淳曰其音基賢曰不其故城在今萊州即墨縣西南

叔孫建自

東陽趨滑臺

趨七喻翻

道濟分遣王仲德向尹弼道濟停軍

湖陸仲德未至尹弼聞魏兵已遠還就道濟刁雍遂留

鎮尹弼招集譙梁彭沛民五千餘家置二十七營以鎮

之蠻王梅安帥渠帥數十人入貢於魏

帥渠帥上讀曰率下所類

翻

初諸蠻本居江淮之間其後種落滋蔓

種章勇翻蔓音萬

布

於數州東連壽春西通巴蜀北接汝潁往往有之在魏

世不甚為患及晉稍益繁昌漸為寇暴及劉石亂中原

諸蠻無所忌憚漸復北徙伊闕以南滿於山谷矣

據史此諸

蠻乃盤瓠之後也復扶又翻

河西世子政德攻晉昌克之唐契及

弟和甥李寶同奔伊吾

唐契以晉昌叛河西見武帝永初二年

招集遺民

歸附者至二千餘家臣於柔然柔然以契為伊吾王

秦王熾磐謂其羣臣曰今宋雖奄有江南夏人雄據關

中皆不足與也獨魏主奕世英武賢能為用且識云恒

代之北當有真人吾將舉國而事之

識楚諧翻

乃遣尚書郎

莫者阿胡等入見於魏

見賢通翻

貢黃金二百斤并陳伐夏

方略

閏月丁未魏主如河內登太行至高都

高都縣自漢以

來屬上黨郡劉昫曰唐澤州晉城縣漢高都縣地行戶剛翻

叔孫建自滑臺西就奚

斤共攻虎牢虎牢被圍二百日

被皮義翻

無日不戰勁兵戰

死殆盡而魏增兵轉多魏人毀其外城毛德祖於其內

更築三重城以拒之魏人又毀其二重德祖唯保一城

晝夜相拒將士眼皆生創

重直龍翻人夜不得睡則眼眊燥以手揩之則生創創初

良翻德祖撫之以恩終無離心時檀道濟軍湖陸劉粹

軍項城沈叔狸軍高橋皆畏兵彊不敢進丁巳魏人作

地道以洩虎牢城中井井深四十丈

深式

山勢峻峭不

可得防城中人馬渴乏被創者不復出血重以饑疫

被皮

義翻復扶又翻重直用翻

魏仍急攻之己未城陷將士欲扶德祖出

走德祖曰我誓與此城俱斃義不使城亡而身存也魏

主命將士得德祖者必生致之將軍代人豆代田執德

祖以獻

豆姓也漢書有校尉豆如意

將佐在城中者皆為魏所虜唯

參軍范道基將二百人突圍南還

將即亮翻

魏士卒疫死者

亦什二三奚斤等悉定司充豫諸郡縣置守宰以撫之

是時司州之地盡入於魏兗州之地自朔陸以南豫州之地自項城以南皆為宋守魏未能悉定諸郡縣也

魏主命周幾鎮河南河南人安之徐羨之傳亮謝晦以

亡失境土上表自劾

劾戶槩翻又戶德翻

詔勿問徐羨之兄子

吳郡太守珮之頗豫政事與侍中王韶之程道惠中書

舍人邢安泰潘盛結為黨友時謝晦久病不堪見客珮

之等疑其詐疾有異圖乃稱羨之意以告傅亮欲令亮

作詔誅之

亮時進中書監中書掌詔命

亮曰我等三人同受顧命豈

可自相誅戮諸君果行此事亮當角巾步出掖門耳

宮門

正南門曰端門左右二門謂之左掖門右掖門

珮之等乃止

五月魏主還平城

考異曰後魏帝紀五月庚寅還次雁門庚寅車駕至自南巡必一誤今皆不取

六月己亥

魏宜都文成王穆觀卒

丙辰魏主北巡至參合陂

秋七月尊帝母張夫人為皇太后

魏主如三會屋侯

泉

魏收地形志秀容郡肆盧縣治新會城真君七年併三會城屬焉

八月辛丑如馬邑

觀澧源

澧力水翻

柔然寇河西河西王蒙遜命世子政德

擊之政德輕騎進戰

騎奇寄翻

為柔然所殺蒙遜立次子興

為世子 九月乙亥魏主還宮召奚斤還平城留兵守

虎牢使娥清周幾鎮枋頭以司馬楚之所將戶口置汝

南南陽南頓新蔡四郡

晉惠帝分汝陰立新蔡郡分汝南立南頓郡魏未能有四郡之地

僑置之耳

以益豫州 冬十月癸卯魏人廣西宮外垣周二

十里

平城西宮也魏主珪天賜元年所築

禿髮傉檀之死也

事見一百十六卷晉

安帝義熙十年傉奴沃翻

河西王蒙遜遣人誘其故太子虎臺許以

番禾西安二郡處之

誘音酉番音幾處昌呂翻

且借之兵使伐秦報

其父讎復取故地虎臺陰許之事泄而止秦王熾磐之

后虎臺之妹也熾磐待之如初后密與虎臺謀曰秦
本我之仇讎雖以婚姻待之蓋時宜耳先王之薨又非
天命遺令不治者欲全濟子孫故也

治直之翻不治謂
被鴆而不解也事

見一百十六卷晉
安帝義熙十年

為人子者豈可臣妾於仇讎而不思

報復乎乃與武衛將軍越質洛城謀弑熾磐后妹為熾
磐左夫人知其謀而告之熾磐殺后及虎臺等十餘人

十一月魏周幾寇許昌許昌潰潁川太守李元德奔

項戊辰魏人圍汝陽汝陽太守王公度亦奔項

沈約曰
晉太康

地志王隱地道無汝陽郡應是江左分汝南立汝陽漢舊縣屬汝南郡

劉粹遣其將姚聳

夫等將兵助守項城

將即亮翻

魏人夷許昌城毀鍾城以立

封疆而還

鍾城在泰山界夷許昌以立豫州封疆毀鍾城以立兗州封疆也還從宣翻又如字

己巳魏太宗殂

年三十二

壬申世祖即位

世祖諱燾明元皇帝之長子也

蕭子顯曰燾字佛狸

大赦十二月庚子魏葬明元帝于金陵

此雲中之

金陵據北史道武帝葬盛樂金陵蓋魏諸陵皆曰金陵杜佑曰後魏盛樂縣在雲中郡

廟號太宗

魏主追尊其母杜貴嬪為密皇后

密諡也

自司徒長孫嵩

以下普增爵位以襄城公盧魯元為中書監會稽公劉

絜為尚書令

會工外翻

司衛監尉眷散騎侍郎劉庫仁等八

人分典四部

司衛監蓋魏所置以掌宿衛此又一劉庫仁非什翼捷所用之劉庫仁也尉音紆勿

翻散悉亶翻騎奇寄翻四部東西南北四部也

眷古真之弟子也

尉古真見一百六卷晉孝

武太元十年

以河內鎮將代人羅結為侍中外都大官

魏書官氏

志內入諸姓叱羅氏為羅氏魏有外都大官內都大官將即亮翻

摠三十六曹事結時

年一百七精爽不衰

杜預曰魏主魏明也

魏主以其忠慤親任之使

兼長秋卿監典後宮出入卧內

監工衛翻

年一百一十乃聽

歸老朝廷每有大事遣騎訪焉

騎奇寄翻

又十年乃卒左光

祿大夫崔浩研精經術練習制度

魏晉以來左右光祿大夫在光祿大夫上

假金章紫綬研精者窮其精力

凡朝廷禮儀軍國書詔無不關掌浩不

好老莊之書曰此矯誣之說不近人情

託聖賢以神其說謂之矯聖賢

無是事寓言而加詆誣之誣好呼到翻近其斬翻

老聃習禮仲尼所師

史記及大戴記

皆云仲尼問禮於老聃聃他甘翻

豈肯為敗法之書以亂先王之治乎

敗補適翻治直吏翻

尤不信佛法曰何為事此胡神及世祖即位

左右多毀之帝不得已命浩以公歸第然素知其賢每

有疑議輒召問之浩纖妍潔白如美婦人

纖細也妍美好也

常

自謂才比張良而稽古過之既歸第因修服食養性之

術初嵩山道士寇謙之讚之弟也修張道陵之術自言

嘗遇老子降命謙之繼道陵為天師

張道陵後漢人修五斗米道俗所謂

天師也

授以辟穀輕身之術及科戒二十卷

今道家科戒蓋始於此

使之清整道教又遇神人李譜文

譜博古翻

云老子之玄孫

也授以圖籙真經六十餘卷使之輔佐北方太平真君

出天宮靜輪之法其中數篇李君之手筆也謙之奉其

書獻於魏主朝野多未之信

朝直遙翻

崔浩獨師事之從受

其術且上書贊明其事曰臣聞聖王受命必有天應河

圖洛書皆寄言於蟲獸之文

河出圖伏義象以畫八卦洛出書禹得之以叙九疇

故曰龍圖授義龜書畀姒又尚書中候曰堯沈璧於洛玄龜負書背中赤文朱字止于壇畔舜禮壇于河畔黃

龍負卷舒圖出于水

未若今日人神接對手筆繁然辭旨深妙自

古無比豈可以世俗常慮而忽上靈之命臣竊懼之帝

欣然使謁者奉玉帛牲牢祭嵩嶽迎致謙之弟子在山

中者以崇奉天師顯揚新法宣布天下起天師道場於

平城之東南重壇五層

水經註濕水南逕平城之東水左有大道壇冠謙之所建也濕

水即澀水給道士百二十人衣食每月設厨會數千人

臣光曰老莊之書大指欲同死生輕去就而為神僊

者服餌修鍊以求輕舉鍊草石為金銀

谷永說漢成帝曰諸言世

有仙人服食不終之藥遙與輕舉登遐倒景覽觀縣
圃浮遊蓬萊黃治變化皆姦人惑衆挾左道懷詐偽
以欺罔世主服餌修鍊以求輕舉即谷永所謂服食
不終之藥遙與輕舉者也鍊草石以為金銀即谷永
所謂黃治變化者也其為術正相戾矣是以劉歆七略叙道家

為諸子神仙為方技

以其相戾故七略不得合為一

其後復有符水

禁呪之術

符水禁呪即張道陵之術

至謙之遂合而為一至今循

之其訛甚矣崔浩不喜佛老之書而信謙之之言其

故何哉

喜許記翻

昔臧文仲祀爰居孔子以為不智

海鳥爰居

避風止于魯東門之外臧文仲使國人祀之孔子以為臧文仲不智者三祀爰居其一也如謙之

者其為爰居亦大矣詩三百一言以蔽之曰思無邪
君子之於擇術可不慎哉

資治通鑑卷一百十九

欽定四庫全書

資治通鑑卷一百二十

宋 司馬光 撰

胡三省 音註

宋紀二

起開達困敦盡彊
圜單開凡四年

太祖文皇帝上之上

諱義隆小字車兒
武帝第三子也

元嘉元年

是年八月
始改元

春正月

考異曰宋本紀正月癸巳
朔日有食之宋紀二月巳

巳宋畧二月癸巳李延壽南史二月巳卯朔皆悞也按
長厯是年正月丁巳二月丁亥朔後魏書紀紀志是年

無日食
今從之

魏改元始光

丙寅魏安定殤王彌卒 營陽

王居喪無禮好與左右狎暱

好呼到翻下情好同

遊戲無度特進

致仕范泰上封事曰伏聞陛下時在後園頗習武備鼓

鞞在宮聲聞于外

鞞與鞞同音駢迷翻聞音問

黷武掖庭之內誼譁

省閭之間非徒不足以威四夷祇生遠近之怪陛下踐

祚委政宰臣實同高宗諒闇之美

闇讀如陰

而更親狎小人

懼非社稷至計經世之道也不聽泰甯之子也

范甯汪之子以

儒學為孝武帝所親

南豫州刺史廬陵王義真警悟愛文義而性

輕易

易以鼓翻

與太子左衛率謝靈運員外常侍顏延之

曹魏

之未置員外散騎
常侍率所律翻

慧琳道人情好款密嘗云得志之日

以靈運延之為宰相慧琳為西豫州都督

西豫州即豫州也宋南豫

州治歷陽豫州治壽陽壽陽在
歷陽西故亦謂豫州為西豫州

靈運玄之孫也

靈運玄子瑱之

子性褊傲不遵法度

褊方
緬翻

朝廷但以文義處之

處昌
呂翻

不

以為有實用靈運自謂才能宜參權要常懷憤邑延之

舍之曾孫也

顏舍見九十六卷
晉成帝咸康四年

嗜酒放縱徐羨之等惡

義真與靈運等遊義真故吏范晏從容戒之義真曰靈

運空疎延之隘薄魏文帝所謂古今丈人類不護細行

者也

惡烏路翻從千容翻行下並翻

但性情所得未能忘言於悟賞耳

悟開覺也賞褒嘉也

於是羨之等以為靈運延之構扇異同非毀

執政出靈運為永嘉太守延之為始平太守

守式又翻

義真

在厯陽多所求索執政每裁量不盡與

裁剗節也量舉度也索山谷翻

量音良

義真深怨之數有不平之言

數所角翻

又表求還都諮

議叅軍廬江何尚之屢諫不聽時羨之等已密謀廢帝

而次立者應在義真乃因義真與帝有隙先奏列其罪

惡廢為庶人徙新安郡前吉陽令堂邑張約之上疏曰

吉陽縣屬廬陵郡今吉州有吉水縣
蓋吳立縣於吉水之陽因以為名也
廬陵王少蒙先皇

優慈之遇長受陛下睦愛之恩故在心必言所懷必亮

亮信也明也導也言義真凡有所懷自信以為是
必明而導之無所回避也少詩照翻長知兩翻
容犯

臣子之道致招驕恣之愆
言容有犯臣道之事以致招驕恣之罪
至於天

姿夙成實有卓然之美宜在容養錄善掩瑕訓盡義方

進退以漸今猥加剝辱幽徙遠郡
剝辱謂褫爵為庶人
上傷陛下

常棣之篤下令遠近恒然失圖
恒去王翻
臣伏思大宋開基

造次
造七到翻
根條未繁宜廣樹藩戚敦睦以道人誰無過

貴能自新以武皇之愛子陛下之懿弟豈可以其一音
長致淪棄哉書奏以約之為梁州府叅軍尋殺之夏

四月甲辰魏主東巡大甯秦王熾磐遣鎮南將軍吉

毗等帥步騎一萬南伐白苟車亨崔提旁為四國皆降

之

白狗國至唐猶存蓋生羌也其地與東會州接車亨
崔提旁為無所考帥讀曰率騎奇寄翻降戶江翻

徐羨之等以南兖州刺史檀道濟

沈約曰中原亂北
州流民多南渡晉

成帝立南兖州寄治京口文
帝始割江淮間為境治廣陵

先朝舊將威服殿省且有

兵衆乃名道濟及江州刺史王弘入朝

將即亮翻
朝直遙翻

五月

皆至建康以廢立之謀告之甲申謝晦以領軍府屋敗
悉令家人出外聚將士於府內又使中書舍人邢安泰
潘盛為內應夜邀檀道濟同宿晦悚動不得眠道濟就
寢便熟晦以此服之

服其處大事而不變其常度也

時帝於華林園為

列肆親自沽賣又與左右引船為樂夕遊天淵池即龍

舟而寢

樂音洛魏氏作華林園天淵池於洛中晉氏南渡故其制作之於建康華林園在宮城北隅

乙酉詰旦

詰去吉翻

道濟引兵居前羨之等繼其後入自雲

龍門安泰等先誡宿衛莫有禦者帝未興軍士進殺二

侍者傷帝指扶出東閣收璽綬

璽斯氏翻綬音受

羣臣拜辭衛

送故太子宮侍中程道惠勸羨之等立皇弟南豫州刺

史義恭羨之等以宜都王義隆素有令望又多符瑞

景平

初有黑龍見西方五色雲隨之二年江陵城上有紫雲望氣者皆以為帝王之符當在西方又江陵西至上明及江津其間有九十九洲楚諺云洲滿百當出王者時忽有一洲自生汙流迴薄而成皆為上龍飛之應乃

稱皇太后令數帝過惡

數所具翻

廢為營陽王以宜都王纂

承大統赦死罪以下又稱皇太后令奉還璽綬

綬音弗

并

廢皇后為營陽王妃遷營陽王於吳使檀道濟入守朝

堂

朝直
遙翻

王至吳止金昌亭六月癸丑羨之等使邢安泰

就弑之王多力突走出昌門

金昌亭在昌門內孫權記
注云闔門吳西郭門夫差

作以天門通闔闔故名之後秦申君改爲
昌門金昌亭以其在西門內故曰金昌

追者以門關

踣而弑之

踣蒲
北翻

裴子野論曰古者人君養子能言而師授之辭能行

而傳相之禮

相息
亮翻

宋之教誨雅異於斯居中則任僕

妾處外則近趨走

處昌昌翻近其斯
翻趨走執役者也

太子皇子有帥

有侍

帥所
類翻

是二職者皆臺阜也

左傳申無宇曰
士臣阜僕臣臺

制其

行止授其法則導達臧否

否音鄙

罔弗由之言不及於

禮義識不達於今古謹敎者能勸之以吝嗇狂愚者

或誘之以凶慝

誘音雨慝吐得翻

雖有師傅多以耆艾大夫

為之雖有友及文學多以膏梁年少為之具位而已

亦弗與遊

王置文學師友各一人晉制也禮五十曰艾服官政六十曰耆指使孔穎達曰艾耆

年至五十氣力已衰髮蒼白如艾也

賈幼王臨州長

史行事宣傳敎命

行事行府州事也

又有典籤往往專恣竊

弄威權

南史曰故事府州部內論事皆籤前直敎所論之事後云謹籤日月下又云某官某籤故

府州置典籤以領之本五品吏宋初改為士職宋末多以幼少皇子為藩鎮時主以左右親近領典籤其

指任

是以本根雖茂而端良甚寡嗣君冲幼世繼姦

回雖惡物醜類天然自出然習則生常其流遠矣降

及太宗舉天下而棄之亦昵比之為也

昵尼噴翻比昵至翻

鳴

呼有國有家其鑑之矣

裴子野說言宋氏亡國之禍通鑑載之於此欲使有國有

家謹於

其初也

傅亮帥行臺百官奉法駕迎宜都王于江陵

帥職

祠部

尚書蔡廓

晉氏渡江始有祠部尚書常與右僕射通職不常置以右僕射攝之若右僕射闕則祠部

高書攝知右事

至尋陽遇疾不堪前亮與之別廓曰營陽在吳

宜厚加供奉一旦不幸卿諸人有弑主之名欲立於世

將可得邪時亮已與羨之議害營陽王乃馳信止之不

及羨之大怒曰與人共計議如何旋背即賣惡於人邪

說背猶今人言轉背也背如字

羨之等又遣使者殺前廬陵王義真於

新安

考異曰宋南史本紀二月廢義真徙新安之下即云執政使使者誅義真于新安宋義真傳六月

廢義真之等遣使殺義真於徙所羨之傳亦云廢帝後段義真於新安殺帝於吳縣按長曆六月庚寅朔無癸

未蓋癸丑也

羨之以荊州地重恐宜都王至或用別人乃亟

以錄命除領軍將軍謝晦行都督荆湘等七州諸軍事

荊州刺史

錄命錄尚書自出命也

欲令居外為援精兵舊將悉以

配之

美之亮晦所以為身謀者如此而亦無救於廢弒之誅伊霍以至公血誠處之而師春所紀有異於

書蓋不美于伊尹霍光僅能保其身而不能保其族此天地之大變固人臣之所難居也將即亮翻

秋七

月行臺至江陵立行門於城南題曰大司馬門傅亮帥

百僚詣門上表進璽紱儀物甚盛

帥讀曰率上時掌翻璽斯氏翻紱音弗

宜都王時年十八下教曰猥以不德謬降大命顧已兢

悸何以克堪

悸其李翻

輒當暫歸朝廷展哀陵寢并與賢彥

申寫所懷望體其心勿為辭費府州佐史並稱臣請題

榜諸門一依宮省王皆不許教州府國綱紀宥所統內

見刑原通責

州荊州府都督府國宜都國綱紀上佐掾屬也見賢通欠也負也責如字又仄

懈翻漢書高紀兩家折券棄責無音淮陽王傳張博負責反懈翻

諸將佐聞營陽廬陵

王死皆以為疑勸王不可東下司馬王華曰先帝有大

功於天下四海所服雖嗣主不綱人望未改徐羨之中

才寒士傳亮布衣諸生非有晉宣帝王大將軍之心明

矣

王大將軍數也

受寄崇重未容遽敢背德畏廬陵嚴斷

背蒲妹翻

斷丁
亂翻

將來必不自容以殿下寬叡慈仁遠近所知且越

次奉迎冀以見德

冀以定策
為德也

悠悠之論殆必不然又羨

之等五人同功竝位孰肯相讓

五人謂徐美之傅亮
謝晦檀道濟王弘也

就

懷不軌勢必不行廢主若存慮其將來受禍致此殺害

蓋由貪生過深寧敢一朝頓懷逆志不過欲握權自固

以少主仰待耳殿下但當長驅六轡以副天人之心王

曰卿復欲為宋昌邪

少詩照翻復扶又翻宋昌
事見十三卷漢高后八年

長史王

曇首南蠻校尉到彥之皆勸王行

姓譜到本自高陽氏
楚令尹屈到之後後

漢有東平太守到贛墨徒含翻

墨首仍陳天人符應王乃曰諸公受遺

不容背義

背滿妹翻

且勞臣舊將內外充滿今兵力又足以

制物夫何所疑乃命王華摠後任留鎮荊州王欲使到

彥之將兵前驅彥之曰了彼不反

了汝知也將即亮翻

便應朝服

順流

朝直逆翻

若使有虞此師既不足恃更開嫌隙之端非

所以副遠邇之望也

彥之此言誠合天理而亦自知其才不足以制檀道濟也

會雍

州刺史褚叔度卒

雍於用翻

乃遣彥之權鎮襄陽甲戌王發

江陵引見傅亮號泣哀動左右

見賢遍翻號戶高翻

既而問義真

及少帝薨廢本末

少詩
照翻

悲哭鳴咽侍側者莫能仰視亮

流汗沾背不能對乃布腹心於到彥之王華等深自結

納王以府州文武嚴兵自衛臺所遣百官衆力不得近

部伍

近其
斬翻

中兵叅軍朱容子抱刀處王所乘舟戶外不

解帶者累旬

防非常也
處昌呂翻

魏主還宮

秦王熾磐遣太

子暮末帥征北將軍木弈干等步騎三萬出貂渠谷攻

河西白草嶺臨松郡皆破之

水經註西平鮮谷塞東南
有白草嶺帥讀曰率騎奇

寄
翻徙民二萬餘口而還

還從
宣翻

八月丙申宜都王至建

康羣臣迎拜於新亭徐羨之問傅亮曰王可方誰亮曰

晉文景以上人羨之曰必能明我赤心亮曰不然

亮固知其

不得免矣

丁酉王謁初寧陵還止中堂

晉孝武以太學在秦淮南去臺城懸遠權

以中堂為太學親釋奠於先聖則中堂亦在秦淮北但在臺城之外耳

百官奉璽綬

綬音受

王辭讓數四乃受之即皇帝位于中堂備法駕入宮御

太極前殿大赦改元文武賜位二等戊戌謁太廟詔復

廬陵王先封迎其柩及孫脩華謝妃還建康

孫脩華義真之母謝

義真之妃也南史云晉武帝采漢魏之制以淑妃淑媛淑儀脩華脩容脩儀婕妤容華充華是為九嬪位視九

卿李延壽曰貴嬪魏文帝所制夫人魏武初建魏國所制貴人漢光武所制晉為三夫人位視三公淑妃魏明帝所制淑媛魏文帝所制淑儀脩華晉武帝所制脩容魏文帝所制脩儀魏明帝所制婕妤好容華前漢舊號充華晉武帝所制美人漢光武所制

庚子以行荊州刺史謝晦為真晦將

行與蔡廓別屏人問曰

屏必鄂翻

吾其免乎廓曰卿受先帝

顧命任以社稷廢昏立明義無不可但殺人二兄而以之北面挾震主之威據上流之重以古推今自免為難

蔡廓父子以亮直名于宋朝觀其抗言無所避就若不足以及保身而卒能以身名終何也蓋其素行已孚乎人而言事無所依違又所以遂其直彼其問者方怵于利害就以求決則聽之也固合于心而焉敢以為諱乎

晦始懼不得去既發顧望石頭城喜曰今得脫矣癸卯徐羨之進位司徒王弘進位司空傅亮加開府儀同三

司謝晦進號衛將軍檀道濟進號征北將軍

謝晦自領軍將軍進

號檀道濟自鎮北將軍進號

有司奏車駕依故事臨華林園聽訟詔

曰政刑多所未悉可如先者二公推訊

二公謂徐羨之王弘

帝以

王曇首王華為侍中曇首領右衛將軍華領驍騎將軍

朱容子為右衛將軍

魏明帝有左軍將軍晉武帝置前軍右軍又置後軍是為四軍驍騎

將軍游擊將軍並漢雜號將軍也魏置為中軍及晉以領護左右衛驍騎游擊為六軍驍堅堯翻騎奇奇翻

甲辰追尊帝母胡婕妤曰章皇后

婕妤音接予諡法敬慎高明曰章

封皇弟義恭為江夏王

夏戶雅翻

義宣為竟陵王義季為衡

陽王仍以義宣為左將軍鎮石頭徐羨之等欲即以到

彥之為雍州

雍於用翻

帝不許徵彥之為中領軍委以戎政

彥之自襄陽南下謝晦已至鎮慮彥之不過已

過古禾翻

彥

之至楊口步往江陵深布誠款晦亦厚自結納彥之留

馬及利劍名刀以與晦晦由此大安柔然統升蓋可

汗聞魏太宗殂將六萬騎入雲中殺掠吏民攻拔盛樂

宮

魏之先什翼犍始居雲中之盛樂宮築盛樂城於故城南八里紇戶骨翻可從刊入聲汗音寒將即亮翻

騎奇寄翻

樂音洛

魏世祖自將輕騎討之三日二夜至雲中紇

升蓋引騎圍魏主五十餘重騎逼馬首相次如堵將士

大懼魏主顏色自若衆情乃安紇升蓋以弟子於陟斤

為大將魏人射殺之紇升蓋懼遁去

重直龍翻射而亦翻考異曰後魏

本紀云赭楊子尉普文率輕騎討之虜乃退走李延壽北史紀云帝帥輕騎討之虜乃退走今據蠕蠕傳從北

史尚書令劉絜言於魏主曰大檀自恃其衆必將復來

復扶又翻

請俟收田畢大發兵為二道東西並進以討之魏

主然之 九月丙子立妃袁氏為皇后耽之曾孫也

袁耽

見九十五卷成帝咸康元年

冬十月吐谷渾威王阿柴卒阿柴有

子二十人疾病名諸子弟謂之曰先公車騎以大業之

故捨其子拾虔而授孤孤敢私於緯代而忘先君之志

乎 先公謂樹洛干也樹洛干自號車騎將軍授阿柴國見一百一十八卷晉安帝義熙十三年緯于貴翻

我死汝曹當奉慕瓚為主緯代者阿柴之長子慕瓚者

阿柴之母弟叔父烏紇提之子也 烏紇提之立也妻樹洛干母生二子慕瓚

慕利延緯於貴翻瓚始回翻提當作提

阿柴又命諸子各獻一箭取一箭

授其弟慕利延使折之慕利延折之又取十九箭使折

之慕利延不能折折而設翻阿柴乃諭之曰汝曹知之乎孤

則易折易以設翻衆則難摧汝曹當勦力一心然後可以保

國寧家言終而卒慕瑣亦有才畧撫秦涼失業之民及

氏羌雜種至五六百落部衆轉盛種章勇翻十二月魏主

命安集將軍長孫翰安北將軍尉眷北擊柔然魏主自

將屯柞山柞山在平城之西大河之東柞則洛翻柔然北遁諸軍追之大

獲而還翰肥之子也長孫肥事魏主珪為將數有功詔拜營陽王母

張氏為營陽太妃 林邑王范陽邁冠日南九德諸郡

沈約曰九德郡故屬九真孫吳分立九德郡隋唐為驩州

宕昌王梁彌忽遣子彌

黃入見于魏

宕徒浪翻見賢遍翻

宕昌羌之別種也羌地東接中

國西通西域長數千里

長直亮翻

各有酋帥部落分地不相

統攝而宕昌最疆有民二萬餘落諸種畏之

北史曰宕昌蓋三苗

之盾杜佑曰其界自仇池以西東西千里席水以南南北八百里地多山阜宕徒浪翻酋慈由翻帥所類翻種

章勇翻

夏主將廢太子瓚而立少子酒泉公倫瓚聞之

將兵七萬北伐倫

瓚錄南臺自長安北伐倫瓚姑四翻少詩照翻將即亮翻下同

倫將

騎三萬拒之戰于高平倫敗死倫兄太原公昌將騎一

萬襲瓚殺之并其衆八萬五千歸于統萬夏主大悅立

昌為太子夏主好自矜大好呼到翻名其四門東曰招魏南

曰朝宋西曰服涼北曰平朔朝直遙翻

二年春正月徐羨之傳亮上表歸政表三上上時掌翻帝乃

許之丙寅始親萬機羨之仍遜位還第徐珮之程道惠

及吳興太守王韶之等並謂非宜守式又翻敦勸甚苦乃復

奉詔視事連徐傳之死者珮之諸公也復扶又翻辛未帝祀南郊大赦

已卯魏主還平城 二月燕有女子化為男燕王以

問羣臣尚書左丞傅權對曰西漢之末雌雞化為雄猶

有王莽之禍

漢書五行志宣帝黃龍元年未央殿輅輅中雌雞化為雄毛衣變化而不鳴不將無

距元帝初元丞相府史家雌雞伏子漸化為雄冠距鳴將其後王后羣弟世權以至於莽遂篡天下況今

女化為男臣將為君之兆也 三月丙寅魏主尊保母

竇氏為保太后密后之殂也

密后即魏主之母杜貴嬪

世祖尚幼太

宗以竇氏慈良有操行

行下孟翻

使保養之竇氏撫視有恩

訓導有禮世祖德之故加以尊號奉養不異所生

養羊亮翻

丁巳魏以長孫嵩為太尉長孫翰為司徒奚斤為司空夏四月秦王熾磐遣平遠將軍叱盧健等襲河西鎮南將軍沮渠白蹄於臨松擒之徙其民五千餘戶於

枹罕

健居言翻沮子
余翻枹音膚

魏主遣龍驤將軍步堆等來聘

始復通好

魏書官氏志西方步鹿孤氏改為步
氏驤思將翻復扶又翻好呼到翻

六月

武都惠文王楊盛卒初盛聞晉亡不改義熙年號謂世

子玄曰吾老矣當終為晉臣汝善事宋帝及盛卒

辛子
恤翻

玄自稱都督隴右諸軍事征西大將軍開府儀同三司

秦州刺史武都王遣使來告喪始用元嘉年號

使疏更翻

秋七月秦王熾磐遣鎮南將軍吉毗等南擊黑水羌酋

丘擔大破之

黑水羌在鄧至西北水經註曰白水出臨洮縣西南西傾山東南流與黑水合黑水

出羌中西南逕黑水城西又西南入于白水擔都甘翻

八月夏武烈帝殂葬嘉

平陵廟號世祖太子昌即皇帝位

昌字還國勃勃第二子也

大赦改

元承光 王弘自以始不預定策不受司空表讓彌年

乃許之

弘以此得免徐傳之禍

乙酉以弘為車騎大將軍開府儀

同三司

駙寄翻

冬十月丘擔以其衆降秦

降戶江翻

秦以擔

為歸善將軍拜折衝將軍乞伏信帝為平羌校尉以鎮之
癸卯魏主大伐柔然五道並進長孫翰等從東道

出黑漠

考異曰翰傳云與娥清出長川今從蠕蠕傳

廷尉卿長孫道生等出

白黑二漠之間

長川牛川同是大漠之地拓拔分其地名丹長川有白黑二漠黑在東白在西

魏主從中道東平公娥清出栗園

栗園在中道之西西道之東

考異曰清

傳云與長孫翰出

長川今從蠕蠕傳

奚斤等從西道出爾寒山諸軍至漠

南舍輜重

舍讀曰捨重直用翻

輕騎齎十五日糧度漠擊之

騎奇寄翻

柔然部落大驚絕迹北走

十一月以武都世子玄為

北秦州刺史武都王

時南秦州治漢中故以武都為北秦州考異曰宋本紀癸酉南史

庚午按十一月壬午朔無癸酉及庚午今不書日

初會稽孔甯子為帝鎮西

詔議參軍

會工外翻

及即位以甯子為步兵校尉與侍中王

華並有富貴之願疾徐羨之傳亮專權日夜搆之於帝

史言徐傅偏上固當誅而王華等之構間亦非也

會謝晦二女當適彭城王義

康新野侯義賓遣其妻曹氏及長子世休送女至建康

帝欲誅羨之亮并發兵討晦聲言當代魏又言拜京陵

京陵興寧陵也

治行裝艦

治直之翻艦戶黯翻

亮與晦書曰薄伐河朔事

猶未已朝野之慮憂懼者多又言朝士多諫北征

朝直遙翻

上當遣外監萬幼宗往相諮訪

南史曰制局監外監領器仗兵役多以嬖倖為

之時朝廷處分異常其謀頗泄

處昌呂翻分扶問翻

三年春正月謝晦弟黃門侍郎瞻馳使告晦

瞻子肖翻

晦猶

謂不然以傳亮書示諮議叅軍何承天曰計幼宗一二

日必至傳公慮我好事故先遣此書承天曰外間所聞

咸謂西討已定幼宗豈有上理

好事猶言好生事微省其辭苦隱語然好呼到

翻上時

晦尚謂虛妄使承天豫立答詔啟草言伐虜宜

須明年江夏內史程道惠得尋陽人書

夏戶雅翻下同

言朝廷

將有大處分其事已審使其輔國府中兵叅軍樂問封

以示晦

道惠蓋帶輔國將軍也

晦問承天曰若果爾卿令我云何

對曰蒙將軍殊顧常思報德事變至矣何敢隱情然明

日戒嚴動用軍法區區所懷懼不得盡晦懼曰卿豈欲

我自裁邪承天曰尚未至此以王者之衆舉天下以攻

一州大小既殊逆順又異境外求全上計也其次以腹

心將兵屯義陽將軍自帥大衆戰於夏口若敗即趨義

陽以出北境其次也

承天二策皆勸晦奔魏以求全
將即亮翻帥讀曰率趙七喻翻晦

良久曰荊州用武之地兵糧易給聊且決戰走復何晚

易以政翻
復扶又翻

乃使承天造立表檄又與衛軍諮議叅軍琅

邪顏邵謀舉兵

晦帶衛
將軍

邵飲藥而死晦立幡戒嚴謂司

馬庾登之曰今當自下欲屈卿以三千人守城備禦劉

粹登之曰下官親老在都又素無部衆情計二三不敢

受此旨晦仍問諸將佐戰士三千足守城否南蠻司馬

周超對曰非徒守城而已若有外寇可以立功

超蓋為
南蠻校

尉府司馬登之因曰超必能辦下官請解司馬南郡以授之

登之晦府司馬領南郡太守乞解以授超晦即於坐命超為司馬領南義陽

太守

沈約曰晉末以義陽流民僑立南義陽郡屬荊州領廐西平氏二縣坐徂卧翻

轉登之為

長史南郡如故登之蘊之孫也

庾蘊死于海西之廢

帝以王弘檀

道濟始不預廢弑之謀弘第曇首又為帝所親委事將

發密使報弘且名道濟欲使討晦王華等皆以為不可

帝曰道濟止於脅從本非創謀殺害之事又所不關吾

撫而使之必將無慮乙丑道濟至建康丙寅下詔暴羨

之亮晦殺營陽廬陵王之罪命有司誅之且曰晦據有

上流或不即罪

即就也

朕當親帥六師為其過防

帥讀日率

可

遣中領軍到彥之即日電發征北將軍檀道濟駱驛繼

路符衛軍府州以時收翦

符衛軍府及荊州官屬使收誅晦也

已命雍州

刺史劉粹等

雍於用翻

斷其走伏

走逃也代匿也斷其逃匿之路也斷丁管翻

罪

止元凶餘無所問是日詔召羨之亮羨之行至西明門

外

洛城西面有廣陽西明閭闔三門建康倣之

謝朓正直

朓為黃門侍郎正入直省內也

遣

報亮云殿內有異處分亮辭以嫂病暫還遣使報羨之

羨之還西州

揚州刺史治臺城西故曰西州

乘內人問訊車出郭步走

至新林

新林浦去建康城二十里

入陶竈中自經死亮乘車出郭門

乘馬奔兄迪墓屯騎校尉郭泓收之至廣莫門

廣莫門建康城

北門亦放洛城之制騎寄翻校戶教翻

上遣中書舍人以詔書示亮并謂

曰以公江陵之誠

謂亮迎帝於江陵也

當使諸子無恙亮讀詔書

訖曰亮受先帝布衣之眷遂蒙顧託黜昏立明社稷之

計也欲加之罪其無辭乎

晉大夫里克之言

於是誅亮而徙其

妻子於建安誅羨之二子而宥其兄子珮之又誅晦子

世休收繫謝瞻帝將討謝晦問策於檀道濟對曰臣昔

與晦同從北征

事見一百一十八卷晉安帝義熙十三年也

入關十策晦有

其九才畧明練殆為少敵然未嘗孤軍決勝戎事恐非

其長

其下當有所字

臣悉晦智晦悉臣勇今奉王命以討之可

未陳而擒也

陳與陣同

丁卯徵王弘為侍中司徒錄尚書事

揚州刺史以彭城王義康為都督荆湘等八州諸軍事

荊州刺史樂同復遣使告謝晦以徐傅及瞻等已誅

復扶

又翻下磐復同使疏吏翻

晦先舉羨之亮哀次發子弟凶問既而自

出射堂勒兵晦從高祖征討指麾處分莫不曲盡其宜

數日間四遠投集得精兵三萬人乃奉表稱羨之亮等

忠貞橫被冤酷

橫戶孟翻

且言臣等若志欲執權不專為國

為于偽翻

初廢營陽陛下在遠武皇之子尚有童幼擁以號

令誰敢非之豈得汧流三千里

自建康至江陵汧流而上凡三千里

虛館

七旬仰望鸞旗者哉

景平二年五月乙酉廢少帝八月丙申帝至建康凡七旬

故廬

陵王於營陽之世積怨犯上自貽非命不有所廢將何

以興

亦晉里克之言

耿弇不以賊遺君父

此耿弇討張步之言晦引以為言自謂殺

廬陵所以除偏不以
累帝也遺于季翻

臣亦何負於宋室邪此皆王弘王

曇首王華險躁猜忌讒構成禍

躁則到翻

今當舉兵以除君

側之惡秦王熾磐復遣使如魏請用師于夏

秦入貢于魏以

請伐夏事始上卷營陽王景平元年復扶又翻使疏吏翻

初袁皇后生皇子劬后

自詳視使馳白帝曰此兒形貌異常必破國亡家不可

舉即欲殺之帝狼狽至后殿戶外手撥幔禁之乃止

劬為

試逆張本慢莫半翻

以尚在諒闇

闇音陰

故祕之閏月丙戌始言劬

生帝下詔戒嚴大赦諸軍相次進路以討謝晦晦以

弟遜為竟陵內史將萬人摠留任帥衆二萬發江陵列

舟艦自江津至于破冢

將即亮翻帥讀日率艦戶黠翻冢知隴翻

旌旗蔽日

歎曰恨不得以此為勤王之師晦欲遣兵襲湘州刺史張邵何承天以邵兄益州刺史茂度與晦善曰邵意趣未可知不宜遽擊之晦以書招邵邵不從 二月戊午

以金紫光祿大夫王敬弘為尚書左僕射

晉制左右光祿大夫金章

紫綬後遂為金紫光祿大夫

建安太守鄭鮮之為右僕射敬弘廩之

曾孫也

王廙見八十九卷晉愍帝建興三年廙羊至翻又逸職翻

庚申上發建康命

王弘與彭城王義康居守入居中書下省

中書有上省
下省守手又

翻侍中殷景仁叅掌留任帝姊會稽長公主留止臺內

摠攝六宮

臺內即禁中會工
外翻長知兩翻

謝晦自江陵東下何承天

留府不從晦至江口

江口即西江
口從才用翻

到彥之已至彭城洲

庾登之據巴陵畏懦不敢進會霖雨連日叅軍劉和之

曰彼此共有雨耳檀征北尋至東軍方彊唯宜速戰登

之恇怯使小將陳祐作大囊貯茅懸於帆檣云可以焚

艦

恒去王翻將即亮翻
貯丁呂翻艦戶黯翻

用火宜須晴以緩戰期晦然之

傳軍十五日乃使中兵參軍孔延秀攻將軍蕭欣於彭

城洲破之

水經注江水過長沙下雋縣北又東逕彭城口水東有彭城磯

又攻洲口柵

陷之諸將咸欲退還夏口到彥之不可乃保隱圻

水經注江

水自彭城磯東逕如山北山北對隱磯

晦又上表自訟且自矜其捷曰陛

下若梟四凶於廟庭懸三監於絳闕

以王弘王曇首王華比虞之共工驩

兜苗鯀周之管叔蔡叔霍叔也梟堅堯翻

臣便勒衆旋旗還保所任初晦與

徐羨之傳亮為自全之計以為晦據上流而檀道濟鎮

廣陵各有彊兵足以制朝廷羨之亮居中秉權可得持

久及聞道濟帥衆來上惶懼無計道濟既至與到彥之

軍合牽艦緣岸晦始見艦數不多輕之不即出戰至晚

因風帆上前後連咽

上時掌翻連謂沿江戰艦連接不斷咽謂戰艦塞江前後填咽

西

人離沮無復關心戊辰臺軍至忌置洲尾

沮在呂翻水經註江水東

過長沙下雋縣北湘水自南注之又東左得二夏浦俗謂之西江口又東逕忌置山南又東過彭城口復扶又

翻

列艦過江晦軍一時皆潰晦夜出投巴陵得小船還

江陵先是帝遣雍州刺史劉粹自陸道帥步騎襲江陵

至沙橋

先悉薦翻雍於用翻帥讀曰率下同騎寺寄翻沙橋在江陵北

周超帥萬餘人

逆戰大破之士卒傷死者過半俄而晦敗問至初晦與粹善以粹子曠之為叅軍帝疑之王弘曰粹無私必無憂也及受命南討一無所顧帝以此嘉之晦亦不殺曠之遣還粹所丙子帝自蕪湖東還晦至江陵無他處分

唯愧謝周超而已其夜超捨軍單舸詣到彥之降

舸古我翻

晦衆散晷盡乃攜其弟遜等七騎北走遜肥壯不能乘

馬晦每待之行不得速已卯至安陸延頭

水經註武昌水上通安陸

之延頭九域志武湖在黃洲界蓋此湖上接延頭也杜佑曰武湖在黃洲黃陂縣東黃祖習戰閔武之所為

成主光順之所執

成主成副宋齊以下至隋咸有其官姓譜光姓也晉書有光逸檻送

建康到彥之至馬頭何承天自歸彥之因監荊州府事

監工
衡翻

以周超為叅軍劉粹以沙橋之敗告乃執之於是

誅晦臆遯及其兄弟之子并同黨孔延秀周超等晦女

彭城王妃被髮徒跣與晦訣曰大丈夫當橫尸戰場奈

何狼籍都市

被皮義翻
籍而亦翻

庾登之以無任免官禁錮何承

天及南蠻行叅軍新興王玄謨等皆見原

據南史王玄謨太原祁縣

人漢建安二十年集塞下荒地置新興郡魏黃初初遷于陘嶺之南玄謨蓋本新興人而居太原之祁縣界也

晦之走也左右皆棄之唯延陵蓋追隨不捨帝以蓋為

鎮軍功曹督護

延陵複姓蓋吳延陵季子之後蓋其名也為鎮軍府功曹又兼督護之官也晉

氏渡江有參軍督護功曹參軍兼督護即參軍督護之任也洪适曰參軍督護江左置皆有部曲宋則無矣

晦之起兵引魏南蠻校尉王慧龍為援

魏以王慧龍為南蠻校尉以擾

汝穎之間

慧龍帥衆一萬拔思陵戍

思陵戍在陳郡西北

進圍項城聞

晦敗乃退益州刺史張茂度受詔襲江陵晦敗茂度軍

始至白帝議者疑茂度有二心帝以茂度弟邵有誠節

赦不問代還三月辛巳帝還建康徵謝靈運為祕書監

顏延之為中書侍郎賞遇甚厚帝以惠琳道人善談論

因與議朝廷大事遂叅權要賓客輻湊門車常有數十

兩

門車謂門前候見之車兩音亮

四方贈賂相係方筵七八座上恒滿

琳著高屐

著陟畧翻

披貂裘置通呈書佐

通呈典謁之職書佐掌書翰

會

稽孔覲嘗詣之遇賓客填咽暄涼而已

言但叙寒溫不及餘語會工外

翻覲音冀

覲慨然曰遂有黑衣宰相可謂冠屨失所矣

廬陵廢而

三人斥徐傳誅而三人進可謂矯枉過正矣

夏五月乙未以檀道濟為征南

大將軍開府儀同三司江州刺史到彥之為南豫州刺

史遣散騎常侍袁滄等十六人分行諸州郡縣觀察吏

政訪求民隱

散悉賣翻騎奇寄翻行下孟翻

又使郡縣各言損益丙午

上臨延賢堂聽訟

延賢堂在建康華林園

自是每歲三訊

周禮秋官以三

刺斷庶民獄訟之中一曰訊羣臣二曰訊羣吏三曰訊萬民註云刺殺也三訊罪定則殺之訊言也

左僕

射王敬弘性恬淡有重名關署文案初不省讀

省悉景翻嘗

預聽訟上問以疑獄敬弘不對上變色問左右何故不

以訊牒副僕射

謂不以訊牒副本納呈敬弘也

敬弘曰臣乃得訊牒讀

之正自不解

解戶買翻曉也

上甚不悅雖加禮敬不復以時務

及之

復扶又翻禮敬不替而不以時務及之此法正勸蜀先主以加禮許靖之智也

六月以右

衛將軍王華為中護軍侍中如故華以王弘輔政王曇

首為上所親任與已相埒

埒龍輟翻

自謂力用不盡每歎息

曰宰相頗有數人天下何由得治

治直吏翻

是時宰相無常

官唯人主所與議論政事委以機密者皆宰相也故華

有是言亦有任侍中而不為宰相者然尚書令僕中書

監令侍中侍郎給事中皆當時要官也華與劉湛王曇

首殷景仁俱為侍中風力局幹冠冕一時上嘗與四人

於合殿宴飲甚悅

合殿在齋閣之後李延壽曰晉世諸帝多處內房朝宴所臨東西二堂而

已孝武末年清暑方構永初受命無所改作所居惟稱西殿不製嘉名文帝因之亦有合殿之稱既罷

出上目送良久歎曰此四賢一時之秀同管喉脣恐後

世難繼也

喉脣言出納王命也

黃門侍郎謝弘微與華等皆上所

重當時號曰五臣弘微琰之從孫也

琰安之子也從才用翻下同

精

神端審時然後言婢僕之前不妄語笑由是尊卑大小

敬之若神從叔混特重之常曰微子異不傷物同不害

正吾無間然

呂大臨曰無間隙可言其失謝顯道曰猶言我無得而議之也嗚呼此江左所謂清

談也問古覓翻

上欲封王曇首王華等拊御牀曰此坐非卿兄

弟無復今日因出封詔以示之

以誅徐傳等為曇首華之功坐祖卧翻曇

首固辭曰近日之事賴陛下英明罪人斯得臣等豈可

因國之災以為身幸上乃止魏主詔問公卿今當用

兵赫連蠕蠕二國何先

杜佑曰柔然後魏大武以其無知狀類於蟲故改其號曰蠕蠕

宋齊謂之芮芮蠕人充翻

長孫嵩長孫翰奚斤皆曰赫連土著

著直畧翻

未能為患不如先伐蠕蠕若追而及之可以大獲不及

則獵於陰山取其禽獸皮角以充軍實太常崔浩曰蠕

蠕鳥集獸逃

言其來則如鳥之集走則如獸之逃也

舉大衆追之則不能

及輕兵追之又不足以制敵赫連氏土地不過千里政

刑殘虐人神所棄宜先伐之尚書劉瓘武京侯安原請

先伐燕於是魏主自雲中西巡至五原因畋於陰山東

至和兜山

和兜山蓋在陰山之東長川之南

秋八月還平城

詔殿中

將軍吉恒聘于魏

恒戶登翻

燕太子永卒立次子翼為太

子秦王熾磐伐河西至廩川遣太子暮末等步騎三

萬攻西安不克又攻番禾河西王蒙遜發兵禦之且遣

使說夏主

騎奇寄翻番音磬使疏吏翻說輸尚翻

使乘虛襲枹罕

枹音膚

夏

主遣征南大將軍呼盧古將騎二萬攻苑川車騎大將

軍韋伐將騎三萬攻南安熾磐聞之引歸

蒙遜借助於夏以退秦師

秦既敗於夏夏亦備於魏而涼亦不能以自立是以親仁善鄰國之寶也

九月徙其境內老

弱畜產於澆河

杜佑曰澆河城在廓州達化縣西一百二十里

及莫河仍寒川

留左丞相曇達守枹罕韋伐攻拔南安獲秦秦州刺史

翟爽南安太守李亮吐谷渾握達等帥部衆二萬落

叛秦奔昂川附於吐谷渾王慕瑱

史言乞伏兵勢漸衰帥讀曰率瑱始回翻

大旱蝗左光祿大夫范泰上表曰婦人有三從之義

婦人在室從父母既嫁從夫夫死從子

無自專之道謝晦婦女猶在尚方

唯陛下留意有詔原之魏主聞夏世祖殂諸子相圖

謂倫瑣昌相殺也

國人不安欲伐之長孫嵩等皆曰彼若城守

以逸待勞大檀聞之乘虛入寇此危道也崔浩曰往年

以來熒惑再守羽林鉤已而行其占秦亡

事見一百十七卷晉安帝

義熙十一年

今年五星并出東方利以西伐天人相應不可

失也嵩固爭之帝大怒責嵩在官貪污命武士頓辱之

嵩歷事四朝魏之元臣也頓辱梓其首使頓地以辱之

於是遣司空奚斤帥四萬

五千人襲蒲阪

阪音反

宋兵將軍周幾帥萬人襲陝城

陝失

冉以河東太守薛謹為鄉導謹辯之子也

薛辯見一百十八卷晉安

帝義熙十三年鄉讀曰嚮魏主欲以中書博士平棘李順摠前驅之

兵

平棘縣二漢屬常山晉魏屬趙郡

訪於崔浩浩曰順誠有籌畧然臣

與之婚姻深知其為人果於去就不可專委帝乃止浩

與順由是有隙

為後魏主以浩言誅順張本

冬十月丁巳魏主發平

城秦左丞相曇達與夏呼盧古戰於嶮崐山

曇徒舍嶮崐丘

岡翻嶺
盧當翻

曩達兵敗十一月呼盧古韋伐進攻枹罕

枹音膚

秦王熾磐遷保定連呼盧古入南城

南城枹罕南城

鎮京將軍

趙壽生率死士三百人力戰却之呼盧古韋伐又攻沙

州刺史出連虔于湟河虔遣後將軍乞伏萬年擊敗之

敗補
邁翻

又攻西平執安西將軍庫洛干阮戰士五千餘人

掠民二萬餘戶而去 仇池氐楊興平求內附梁南秦

二州刺史吉翰

晉秦始之初立梁州於漢中至安帝之世秦州又治漢中自是鎮漢中者帶梁

南秦二
州刺史

遣始平太守龐諡據武興

武興漢武都郡之沮縣也蜀以其地當衝

要置武興督以守之宋立東益州梁立武興蕃王國西魏改東益為興州因武興郡為名至我本朝以吳曦之變改為

氏王楊玄遣其弟難當將兵拒諮

將即亮

諮擊走

沔州

之魏主行至君子津會天暴寒冰合戊寅帥輕騎二

萬濟河襲統萬

帥讀曰率騎寄翻

壬午冬至夏主方燕羣臣魏

師奄至上下驚擾魏主軍於黑水去城三十餘里夏主

出戰而敗退走入城門未及閉內三郎豆代田帥眾乘

勝入西宮

內三郎魏宿衛之官也三郎將領之又按魏道武帝天興初置幢將幢將主內三郎內三

郎衛士也

焚其西門宮門閉代田踰宮垣而出魏主拜代田

勇武將軍

勇武將軍之號魏始置

魏軍夜宿城北癸未分兵四掠

殺獲數萬得牛馬十餘萬魏主謂諸將曰

將即亮翻下字將同

統

萬未可得也它年當與卿等取之乃徙其民萬餘家而

還

還從宣翻又如字

夏弘農太守曹達聞周幾將至不戰而走

魏師乘勝長驅遂入三輔會幾卒于軍中蒲阪守將東

平公乙斗聞奚斤將至遣使詣統萬告急使者至統萬

阪音反使疏吏翻下同

魏軍已圍其城還告乙斗曰統萬已敗矣

乙斗懼棄城西奔長安斤遂克蒲阪夏主之弟助興先

守長安乙斗至與助興棄長安西奔安定

考異曰奚斤傳作乙斗

今從帝紀

十二月斤入長安秦雍氐羌皆詣斤降

雍於用翻降戶江翻

河西王蒙遜及氐王楊玄闡之皆遣使附魏

兵以氣勢為用者也

統萬圍而諸鎮失守氣勢然也

前吳郡太守徐珮之聚黨百餘人謀

以明年正會於殿中作亂事覺收斬之

正會明年正月朔旦朝會也亦

日元會

營陽太妃張氏卒

秦征南將軍吉毗鎮南潁

乞伏國仁置十二郡潁川其一也南潁當又在潁川之南潁其良翻

隴西人辛澹帥戶三

千據城逐毗毗走還枹罕澹南奔仇池

澹徒覽翻帥讀曰率

魏

初得中原民多逃隱天興中詔采諸漏戶令輸繒帛

魏皇

始二年克中山始得中原晉安帝之隆安元年也明年改元天興繒繒慈陵翻

於是自占為紬

繭羅穀戶者甚衆

占之贍翻紬除留翻穀戶谷翻

不隸郡縣賦役不均

是歲始詔一切罷之以屬郡縣

四年春正月辛巳帝祀南郊 乙酉魏主還平城統萬

徙民在道多死能至平城者什纔六七已亥魏主如幽

州夏主遣平原公定帥衆二萬向長安魏主聞之伐木

陰山大造攻具再謀伐夏 山羌叛秦

羌分居武始洮陽南山者曰山

羌

二月秦王熾磐遣左丞相曇達招慰武始諸羌征南

將軍吉毗招慰洮陽諸羌

晉惠帝置洮陽縣屬狄道郡曇達含翻

羌人執

曇達送夏吉毗為羌所擊奔還士馬死傷者什八九

魏主還平城 乙卯帝如丹徒己巳謁京陵初高祖既

貴命藏微時耕具以示子孫帝至故宮

晉之東遷也劉氏自彭城移居

晉陵丹徒之京口里陵墓及故宮在焉

見之有慙色近侍或進曰大舜躬

耕歷山伯禹親事水土

舜耕于歷山歷山之人皆讓畔伯禹親事水土手足胼胝

陞

下不覩遺物安知先帝之至德稼穡之艱難乎 二月

丙子魏主遣高涼王禮鎮長安禮斤之孫也

拓跋斤見一百四卷

晉孝武太元元年

又詔執金吾桓貸造橋於君子津

丁丑魏

廣平王連卒

丁亥帝還建康

戊子尚書右僕射鄭

鮮之卒

秦王熾磐以輔國將軍段暉為涼州刺史鎮

樂都

樂音洛

平西將軍麴景為沙州刺史鎮西平寧朔將

軍出連輔政為梁州刺史鎮赤水

夏四月丁未魏員

外散騎常侍步堆等來聘

曹魏之末置員外散騎常侍散悉宜翻騎奇寄翻

庚戌以廷尉王徽之為交州刺史徽前刺史杜弘文弘

丈有疾自輿就路或勸之待病愈弘文曰吾杖節三世

弘文父慧度祖
瑗三世鎮交州

常欲投軀帝庭况被徵乎遂行卒於廣

州被皮義翻
卒子恤翻

弘文慧度之子也

魏奚斤與夏平原公

定相持於長安魏主欲乘虛伐統萬簡兵練士部分諸

將

分扶
問翻

命司徒長孫翰等將三萬騎為前驅常山王素

等將步兵三萬為後繼南陽王伏真等將步兵三萬部

送攻具將軍賀多羅將精騎三千為前候

前候者居前
為候騎將即

亮翻騎
奇寄翻

素遵之子也

拓跋遵見一百八卷
晉孝武太元二十年

五月魏主發

平城命龍驤將軍代人陸俟督諸軍鎮大磧以備柔然

魏書官氏志內入諸姓步六孤氏後改爲陸氏驤用將翻磧七迹翻辛巳濟君子津壬

午中護軍王華卒

魏主至拔鄰山

拔鄰山在黑水東北築城捨

輜重

北史捨作舍當從之請如字重直用翻

以輕騎三萬倍道先行羣臣

咸諫曰統萬城堅非朝夕可拔今輕軍討之進不可克

退無所資不若與步兵攻具一時俱往帝曰用兵之術

攻城最下必不得已然後用之今以步兵攻具皆進彼

必懼而堅守若攻不時拔食盡兵疲外無所掠進退無

地不如以輕騎直抵其城彼見步兵未至意必寬弛吾

羸形以誘之

羸倫為翻
誘音酉

彼或出戰則成擒矣所以然者

吾之軍士去家二千餘里又隔大河所謂置之死地而

後生者也

去國遠關人皆致死故其鋒不可當

故以之攻城則不足決戰

則有餘矣遂行 六月癸卯朔日有食之 魏主至統

萬分軍伏於深谷以少衆至城下

藏匿其衆以少衆至城下誘其出戰少詩

治翻夏將狄子王降魏

將即亮翻
降戶江翻

言夏主聞有魏師遣使

召平原公定定曰統萬堅峻未易攻拔

易以政翻

待我擒奚

斤然後徐往內外擊之蔑不濟矣故夏王堅守以待之

魏主患之

患其不出戰也

乃退軍以示弱遣娥清及永昌王健

帥騎五千西掠居民

帥讀曰率騎奇寄翻下同

魏軍士有得罪亡犇

夏者言魏軍糧盡士卒食菜輜重在後步兵未至宜急

擊之夏主從之

使魏主用間亦不如是之巧殆天啟之也重直用翻

甲辰將步騎

三萬出城長孫翰等皆言夏兵步陳難陷

陳讀曰陣

宜避其

鋒魏主曰吾遠來求賊惟恐不出今既出矣乃避而不擊彼奮我弱非計也遂收衆偽遁引而疲之夏兵為兩

翼鼓譟追之行五六里會有風雨從東南來揚沙晦冥

宦者趙倪頗曉方術言於魏主曰今風雨從賊上來我

向之彼背之

背蒲妹翻

天不助人且將士饑渴願陛下攝騎

避之

攝收也

更待後日崔浩叱之曰是何言也吾千里制

勝一日之中豈得變易

言先定必勝之計故千里行師不可以風雨之故變易成算於

一日賊貪進不止後軍已絕宜隱軍分出掩擊不意風

道在人豈有常也

言風在人用之分兵出其後順風擊之則風為我用豈有常勢哉

魏

主曰善乃分騎為左右隊以拑之

拑居蟻翻

魏主馬蹶而墜

幾為夏兵所獲拓跋齊以身捍蔽決死力戰夏兵乃退

魏主騰馬得上刺夏尚書斛黎文殺之又殺騎兵十餘

人身中流矢

幾巨依翻工時掌翻刺七亦翻中竹仲翻斛黎虜複姓

奮擊不輟夏

衆大潰齊翳槐之玄孫也

翳槐什翼犍之兄晉成帝咸和四年立

魏人乘

勝逐夏主至城北殺夏主之弟河南公滿及兄子蒙遜

死者萬餘人夏主不及入城遂奔上邽魏主微服逐奔

者入其城拓跋齊固諫不聽夏人覺之諸門悉閉魏主

因與齊等入其宮中得婦人裙繫之繫上魏主乘之而

上僅乃得免會日暮夏尚書僕射問至奉夏主之母出

走

問姓至名孫恂
曰襄州有問姓

長孫翰將八千騎追夏主至高平不

及而還乙巳魏主入城獲夏王公卿將校及諸母后妃

姊妹宮人以萬數馬三十餘萬匹牛羊數千萬頭府庫

珍寶車旗器物不可勝計

將即亮翻校戶
教翻勝音升

頒賜將士有

差初夏世祖性奢侈

夏主勃勃
廟號世祖

築統萬城

事見一百十
六卷晉安帝

義熙九年高十仞基厚三十步上廣十步官牆高五仞

高古
號翻

厚戶遺翻
廣古曠翻

其堅可以厲刀斧臺榭壯大皆雕鏤圖畫被

以綺繡窮極文采魏主顧謂左右曰叢爾國而用民如

此

被皮義翻叢但內翻

欲不亡得乎得夏太史令張淵徐辯復以

為太史令得故晉將毛脩之秦將軍庫洛干歸庫洛干

於秦以毛脩之善烹調用為太官令

毛脩之為夏所禽見一百十八卷晉

安帝義熙十四年庫洛干被禽見上年

魏主見夏著作郎天水趙逸所為

文譽夏主太過

譽音余

怒曰此豎無道何敢如是誰所為

邪當速推之

欲案其罪也

崔浩曰文士褒貶多過其實蓋非

得已不足罪也乃止魏主納夏世祖三女為貴人奚斤

與夏平原公定猶相拒於長安魏主命宗正娥清太僕

丘堆帥騎五千畧地關右定聞統萬已破遂奔上邽斤

追至雍不及而還

雍於用翻

清堆攻夏貳城拔之魏主詔斤

等班師斤上言赫連昌亡保上邽鳩合餘燼未有蟠據

之資今因其危滅之為易

易以政翻

請益鎧馬平昌而還

鎧可

亥翻魏主不許斤固請乃許之給斤兵萬人遣將軍劉拔

送馬三千匹并留娥清丘堆使共擊夏辛酉魏主自統

萬東還以常山王素為征南大將軍假節與執金吾桓

貸莫雲留鎮統萬

魏書官氏志內入諸姓烏丸氏為桓氏

雲題之弟也

莫題

見一百十四卷晉安帝義熙四年

秦王熾磐還枹罕

夏既破故熾磐還枹音膚

秋七月己卯魏主至枹嶺

枹嶺即枹山之嶺枹則洛翻

柔然寇雲中

聞魏已克統萬乃遁去

秦王熾磐謂羣臣曰孤知赫

連氏必無成冒險歸魏

事見上卷營陽王景平元年

今果如孤言八

月遣其叔父平遠將軍渥頭等入貢于魏 壬子魏主

還至平城以所獲頒賜留臺百官有差魏主為人壯健

鷙勇臨城對陳

陳讀曰陣

親犯矢石左右死傷相繼神色自

若由是將士畏服咸盡死力

將即亮
翻下同

性儉率服御飲膳

取給而已羣臣請增峻京城及修宮室曰易云王公設

險以守其國

易坎卦
彖辭

又蕭何云天子以四海為家不壯

不麗無以重威

事見十一卷
漢高帝七年

帝曰古人有言在德不在

險

吳起
之言

屈丐蒸土築城而朕滅之豈在城也今天下未

平方須民力土功之事朕所未為蕭何之對非雅言也

雅正也

每以為財者軍國之本不可輕費至於賞賜皆死

事勲績之家親戚貴寵未嘗橫有所及

橫戶
孟翻

命將出師

指授節度違之者多致負敗明於知人或拔士於卒伍之中唯其才用所長不論本末聽察精敏下無遁情賞不違賤罰不避貴雖所甚愛之人終無寬假常曰法者朕與天下共之何敢輕也然性殘忍果於殺戮往往已殺而復悔之

如崔浩之類是也復扶又翻

九月丁酉安定民舉城

降魏

夏都既破安定亦降降戶江翻下同

氏主楊玄遣將軍苻白作圍

秦梁州刺史出連輔政于赤水城中糧盡民執輔政以降輔政至駱谷逃還冬十月秦以驍騎將軍吳漢為平

南將軍梁州刺史鎮南澠

驍堅亮翻騎奇寄翻澠其良翻

十一月魏

主遣軍司馬公孫軌兼大鴻臚持節策拜楊玄為都督

荆梁等四州諸軍事梁州刺史南秦王

封玄為南秦王以別乞伏熾磐

臚陵如翻

及境玄不出迎軌責讓之欲奉策以還玄懼而郊

迎魏主善之以軌為尚書軌表之子也

表死於營陽王景平元年

十二月秦梁州刺史吳漢為羣羌所攻帥戶二千還于

枹罕

帥讀日率

魏主行如中山癸卯還平城

資治通鑑卷一百二十